

# ETHICÆ,

SEV

## MORALIS

## PHILOSOPHIÆ

BREVIS ET PERSPICUA

DESCRIPTIO:

DILIGENTER & ordine perfacili explicata, à  
CORNELIO VALERIO *Ultra:ecti-*  
*no*, publico lingua Latina, in Collegio trilingui  
*Bustidiano*, professore.

*Pythægoræ Diversos Fragm.<sup>ta</sup> p. 78.*



117

ANTVERPIÆ,

Ex officina Christophori Piantini.

M. D. LXXXII.

Ὡς ἀπὸ τ' βίβλου.

Ἦτο καὶ νῦν μαθεῖν εἰ δήλει, ἥδ' ἐδιδάσκειν,  
Ξεῖν' ὅ, ἀναπύσιν ἄπτερα δέλτον ἐμὴν.  
Εὐμαθέως γάρ σ' ὤθει· τόδε τρίμμα κελεύει  
Ἀξεν, τὸ δνοφερὸν πᾶν σκίτ' ἐξελάσαν.

# BREVIS ET PERSPICUA TOTIVS

3

ETHICÆ, SEV MORALIS PHILOSOPHIÆ descriptio, diligenter, & ordine perfacili explicata à CORNELIO VALERIO VLTRAIECTINO, publicolinguæ Latinæ in collegio trilingui Bussidiano professore.

## DE ETHICÆ FINE AC PARTIBVS. CAP. 1.

Ethica philosophia est ars vitæ bene degendæ.

Vfus & finis Ethicæ.

Duæ præcipuæ partes philosophiæ, Physica & Ethica: vtriusque instrumentum est Logica.

lib. 1. Acad.

Philosophorū

studium ver-

satur in res

contempla-

tionem: in vir-

tutum actio-

ne: in sermo-

nis artiumq.

disserendi ob-

servatione.

Philosophus

est is, qui om-

niū rerū diui-

narum atque

humanarum

naturam caus-

asque noscit;

& omnem be-

ne viuendi ra-

tionem tenet,

ac persequi-

tur, ait Cic. li.

1. Deorat. Bre-

uius definiti-

potest, Vir bo-

nus, & verita-

ris inuestiga-

dæ studiosus.

Utilitas huius

philosophiæ.



**E**THICA philosophia, quæ est de vitæ ac moribus, & Latinè Moralis appellatur, est bene viuendi ratio; seu de moribus & vitæ communis actionibus, atque officiis

rectè iudicandi scientia. Eam philosophi diligenter ex-cultam, natura tantum lumen rationemque ducem se-cuti, nobis tradiderunt: quorum studium omne aut in natura obscuritate inuestiganda, & explicanda, aut in vitæ ac morum institutione præcipuè versatum est.

Quamquam autem, ut Cicero scribit, iam inde à Pla-tone fuerit accepta philosophandi ratio triplex: vna, de vitæ & moribus: altera, de natura & rebus occultis: tertia, de differendo, & quid verum & falsum, quid rectum in oratione, prauumue sit; quid consentiens, quid repugnans, iudicando: nullam tamen Philosophia

partem diligentius, auctore atque hortatore Socrate, sunt persecuti, quàm eam, qua nihil ad vitam leniter ac tranquille degendam magis erat necessarium, qua mores hominum ad humanitatem & moderationem instituit, omnesque vitæ actiones virtutis norma diri-

git: ut honestè, id est, piè & iustè viuendi ratio teneatur: ut de rebus bonis & malis, honestis & turpibus, expetendis & fugiendis, vtilibus & inutilibus, rectè

Rectum de  
rebus diuinis  
& humanis  
iudicium, Dei  
donum est.

Cur philoso-  
phia discenda  
Christianis.

Utilitas phi-  
losophiæ.

Finem libera-  
lis institutio-  
nis esse, ut  
puer gaudeat  
honestis, &  
molestè ferat  
turpia. Plu-  
tarchus scribit  
in libello de  
virtute mo-  
rali.

informantur hominum iudicia: qui sæpe malè de his  
iudicantes, non suo pretio res bonas & malas aestimant.  
Præclarum hoc Dei donum est, rectum de rebus diuinis  
& humanis iudicium. Deus enim & lumen animi no-  
stri, mentisq; contagione corporis obscurata vix exci-  
tans, nouo splendore illustrat, & voluntatem misère  
deprauatam sua benignitate corrigit. His adiumentis  
instructi, ad veri cognitionem & scientiam peruenire  
contendamus. Sunt nonnulli qui putent, optimam vi-  
uendi rationem esse potius ex literis sacris, quàm ex  
prophana philosophia petendam. quod nos quoque tu-  
tius & certius esse putaremus, si diuinis illis Dei voce  
proditis litteris ea, quæ de civili hominū inter ipsos cō-  
sociatione, & reipub. conseruatione (sine qua Dei præ-  
ceptis obsequentes, & p̃i viri tranquillam vitam age-  
re non possunt) & quæ de cuiusque virtutis natura &  
& officiis diligenter & certo ordine à prophanis scripto-  
ribus tradita sunt, continerētur. Quare quoniam phi-  
losophi Christiana religionis ignari illi quidē, sed hu-  
mane sapientiæ perstudiosi, legem illam naturæ diui-  
nitus in omnium hominum mentibus insculptam se-  
quentes, constanti perpetuoq; de rectè perperamq; fa-  
ctis iudicio utiles ad vitam bene degendam leges ac  
præclara de moribus præcepta dederunt; grauesq; nobis  
sententiæ reliquerunt, quibus ad virtutem excitemur,  
eius pulchritudine, & utilitatibus allekti; & à vitiis  
deterreamur, eorum turpitudine & noxis alienati: ut  
sponte faciamus ipsi, quod ceteri metu legum facere co-  
guntur: ipsaq; natura duce rectè honesteq; viuendum  
esse intelligamus, & bonis à Deo proposita præmia, ma-  
lisq; supplicia, idq; conscientia teste, qua quisque vel  
accusatur, vel excusatur: cur his vereamur uti, præfer-  
tim quæ nihil Christiana religioni aduersantur, &  
profunt

profunt plurimum? Nos igitur à Philosophis ingenio, doctrina, longo rerum usu ac prudentia præstantibus utilissima bene vivendi præcepta mutuati, certissima litterarum sacrarum norma dirigamus. Totius Philosophia qua de moribus est, in his tribus summa constituitur: ut finis hominis & felicitas intelligatur; ut animi perturbationes cohibeantur; ut virtutes & his contraria vitia cognoscantur; illas ut amplectamur, hæc ut fugiamus, vitamq; cum virtute, pie, ac iuste vivamus: ne de religione vera matè sentiamus, nève quod nobis fieri nolumus, alteri facere velimus. Id enim præcipit rectè philosophantium studium est, ut præceptis naturæ, legi, ac rationi consentaneis, hominum voluntas ad virtutem atque omnem humanitatem, & ad amabilem concordiam informetur: ut & privatim & publicè bene vivatur, atque naturæ præscripto obtemperetur.

Quoniam autem omnes disciplina parantur natura, arte, & exercitatione; requirit hæc quoque morum institutio naturam diuinitus ad studium virtutis excitatam, & artem, seu bene vivendi præcepta, & exercitationem virtutis. quarum due primæ, ad prudentiam fortasse magis referantur, postrema certè reliquas virtutes, quæ propriè morales dicuntur, perficit: qua comparatur habitus, & consuetudo in naturam conuertitur, ut faciliùs animus rectæ rationis imperio assuefactus perturbationibus resistat. Hæc bene instituenda vitæ disciplina quamvis una eademque sit, diuersa tamen ratione tribus partibus distincta, in Ethicæ, Oeconomien, & Politicæ diuiditur: quarum prima ad singulorum hominum mores formandos pertinet: altera ad familiam bene instituendam: tertia ad remp. rectè administrandam. Prima cuiusque hominis animum instituit, & ad virtutem informat: estq; principium fa-

Tria totius  
Ethicæ philo-  
sophiæ sum-  
ma capita.

Piè & iuste  
vivere, est a-  
mare & cole-  
re Deum: di-  
ligere & iuua-  
re hominem.

Tres omnium  
artium effi-  
cientes causæ.

Philosophia  
moralis diui-  
ditur in Ethic-  
en, Oecono-  
micen & Po-  
liticen: quarū  
prima homi-  
nem ad oeco-  
nomicam &  
politica vitam  
instruit.

Materia Ethic-  
æ philoso-  
phiæ.

Ethicæ philo-  
sophiæ offi-  
cium.

Suum cuique  
rei bonū est,  
& proprius fi-  
nis: sed homo  
liberè finem  
suum expetit;  
res aliæ natu-  
ra duco.

De summo  
bono senten-  
tiæ diuersæ  
philosopho-  
rum.

*milia, sicut familiarum multitudo ciuitatis. Ac pri-  
mum quidem ea quæ singulorum hominum mores ani-  
mumq; bene viuendi præceptis instruit, explicabitur.  
(Informandus enim primus omnium est, qui vel fa-  
miliam vel ciuitatem rectè gubernare possit) deinde  
breuiter Oeconomica & Politica, quas non incommode  
fortassis infra quo loco prudentia tractatur, comprehen-  
dere licebit: nisi quis ad Iustitiam generalē referre ma-  
lit, ut sit Iustitia domestica & civilis. Quoniam igitur  
materia in qua versatur omnis hæc morum insti-  
tutio, sunt actiones humane, quas à libera voluntate  
proficiscentes ipsa rectè instituere & rationi subiicere  
docet, (hoc enim efficere, proprium est Ethicæ philoso-  
phiæ munus) omnes autem actiones ad ultimum ali-  
quem finem referuntur: nihil hic prius, quàm de fine ac  
summo bono, ad quod actiones diriguntur, breuiter ex-  
plicandum videtur. quo cognito, mox de actionibus,  
quibus ad eum finem perueniri possit, paulo copiosius  
erit disserendum.*

De fine hominis ac summo bono. CAP. II.

*SOLI homines, quia ratione præditi sunt, non so-  
lum nihil nisi finis alicuius causa, agunt, verum etiam  
extremum aliquem suarum actionum finem, eumque  
optimum sibi proponunt: cetera verò animantia ad id  
solum quod adest, cæco nature impetu feruntur. Quo-  
niam autem finis omnis, si sit expetendus homini, bo-  
nus est: erit extremus finis, summum bonum, & per se  
expetendum, cuius gratia sunt omnia, & cuius ade-  
ptione felices redduntur homines, ac beati. Sed quid  
illud sit, quod ultimum atq; vnicum statuendū videat-  
ur, ac summum bonum, dubitatum est à Philosophis,  
ac diu frustra quæsitum, variegq; disputatum: quorum  
alii felicitatem in voluptate posuerunt, alii in sola vir-  
tute,*

tute, alij in scientia, alij in honore ac dignitate, alij aliis in rebus. Plato reliquis diuiniore, eam in primi boni, seu idea boni, seu Dei ac diuina sapientia contemplatione perfruenda constituit: cui quo similior quis efficiatur, eo feliciorem, magisq; beatitudinis ac summi boni participem fore censuit; sed eam in hac vita non contingere, quod nemo possit ante obitum dici beatus. Aristoteles libro primo ad Nicomachum, in actione perfecta virtuti optima ac perfectissima consentanea, in vita perfecta; nimirum qua prudentia regula dirigatur: quod ea videretur homini summam & cumulatam perfectionem adferre: cum & Peripatetici doceant, virtute quidem beatam vitam effici; sed eam tamen, si corporis & fortuna bonis exornetur, beatissimam fore: constare enim beatitudinem triplici genere bonorum: sed in libro decimo, in contemplationis delectatione felicitatem positam esse iudicauit: ut quamuis illa actiuosa felicitas ad hanc contemplantem referatur, in suo tamen genere sit vltimus finis. Vtrique beatitudini voluptatem quidem honestam esse adiunctam, sed contemplanti perfectiorem ac solidiorem ex muneris functione prastantior & quietiore, ac plane diuina mentisque propria. Quasi vero, quod vnum est summum bonum, possit esse duplex. Melius Plato, magisq; Christiana religioni consentaneè, adeoq; veriùs ita desinuit, ut ex illius sententia nobis quoque rectè summum hominis bonum statuatur eterna Dei videndi perfruendiq; voluptas, per sese expetenda: quam consecutus, rectè beatus appellatur: cui iam nihil ad summam felicitatem deest: in eaq; sic acquiescit, ut nihil praterea desideret, cum sit malis omnibus liberatus, aeternaq; donatus vita sine fine Deo fruatur. Eam in hac etiam vita mens pia, Deo fidens, eiusque preceptis obsequens, aliqua ex parte sentire potest. vn

In hac vita nihil est ex omni parte beatum. Aristoteles virtutis usum cum vite perfectæ prospexit et adiunxit, ait Cic.

Peripateticorum vita beata

Sapientia & contemplatio rerum diuinarum & humanarum. Aristoteli felicitatis humanæ perfectio est, quod ea sola per se expetatur. Beatitudinis comes voluntas.

Summum hominis bonum Deus, & per hunc vita æterna, hoc est, sine fine Deo frui. Atque hoc illud est, quod Dominus noster beatos vocat eos, quorum est regnum cælorum: qui Deum videbunt: qui cõolationem accipient, &c. apud Matth. cap. 5.

Vera felicitas  
Dei donū est.

Cur natus  
homo?

Deus est bo-  
norum om-  
nium & prin-  
cipium & fi-  
nis, ad cuius  
gloriam om-  
nes actiones  
referendæ.  
Menti ac ra-  
tioni libera  
voluntas ac-  
quiescens af-  
fectus refre-  
nare debet,  
hoc est, ut li-  
tere sacrę lo-  
quatur, ob-  
sequens spiri-  
tui, carnis ap-  
petitiones re-  
primere.

Animi tan-  
quā duę sunt  
partes, una  
ecclēstis, & ra-  
tionis parti-  
ceps, ut mens  
ac ratio, altera  
rationis ex-  
pers, ut cupi-  
ditas, & iras-  
cēdi impetus.

de vera nascitur animi tranquillitas, quæ recte mentis  
conscientia hominem consolatur. Sed veram hanc feli-  
citatem nemo, nisi ipsius Dei beneficio ac munere (ne  
quis homo gloriētur) consequi potest. Id enim non est  
volentis neque currentis, sed misērentis Dei, & pecu-  
liare sacri Spiritus donum, per Christum Dominum  
nostrum concessum. Ad hunc nemo venire potest, nisi  
Pater celestis illum traxerit, auctor omnis felicitatis:  
in quo per filium cognito, spes aeterna vitæ reposita no-  
bis est: qui nulla alia de causa nati sumus, quā ut  
eum conditorem cognoscamus, ei gloriam omnem tri-  
buamus, eum tota mente amemus, atque ut ille iussit  
colamus, qui bonorum omnium & principium & finis  
est: ad quem omnes omnium hominum actiones, omnia  
studia referri debent. Ad hunc finem quia per virtutis  
actiones perueniendum est, sequitur, ut de his primū  
sit differendum. Sed cū actiones voluntariæ sint, ipsa q̄,  
voluntas hominis animo sit insita, quæ soli Deo subiecta  
liberum habet agendi principium, sed variis motibus  
ita perturbatur, ut à recta virtutis via sepius aberrant  
humana actiones: de affectuum ac vitiorum & virtu-  
tum origine paucis explicabimus. Animus humanus  
mortali corpori inclusus, duabus veluti partibus di-  
stinguitur: quarum una celestis est, tamquam radius  
quidam diuino splendore collucens, ut mens: altera cor-  
pori coniuncta, ut appetitio seu cupiditas & ira. Supe-  
rior est rationis particeps, inferior expers: illius est im-  
perare, huius verò parēre. Sed hæc sæpe velut equus fe-  
rociens, auriga non obtemperans, impetu fertur ad ea  
quæ placent, siue honesta siue turpia, non audiens ra-  
tionem & mentem atque intelligentiam, quæ notitia-  
rum est particeps illarū, quæ natura nobis innatae sunt,  
vel potius diuinitus insitæ: hortaturq̄, semper ad hone-  
sta,



sta, siue ea sint iucunda, siue tristia, siue utilia, siue inutilia. Triplex enim bonum est: Honestum, Utile, & Iucundum. Honestum, quod cum recto rationis iudicio congruit: Utile, quod naturam & vitam iuuat: Iucundum, quod naturalem appetitionem, ut potius sitientem. Atque ex his fontibus actiones omnes oriuntur. Mentis ac recta intelligentia est, diiudicare: alterius verò partis est, imperium mentis exequi, & actiones suscipere. Mens duas habet insitas à natura precipuas notiones; vnam veri falsiq; diiudicandi, alteram boni maliq; discernendi. Omnes enim tacito quodam sensu, quæ recta ac praua sunt (modò ne obruatur hoc naturale lumen) internoscunt: siquidè natura nobis paruos quasi igniculos & semina virtutum, & quandam animi propensionem ad agendum, ac facultatem dedit: hanc affectus mouet: affectum sequitur actio: & ex actionibus crebris comparatur èis seu habitus, aut certè diàdectis, vel virtutis, si referatur ad finem bonum; vel vitij, si ad malum. Atque hæc est omnium humanarum actionum origo.

De affectibus. CAP. III.

CUM autem omnis virtutum vitiorumq; ratio ex his veluti principiis oriatur, facultate, affectu, actione, & habitu: hæc breuiter explicabimus: ac de facultate quidè pauca illa quæ dicta sunt, fuerint satis. & discrimen illud obseruetur inter naturalem animi propensionem, & huius propensionis cōcitationem seu affectum: ut naturam hominis iucundi mouet ira, sicut ambitio si gloria cupiditas. Deinceps igitur de affectibus dicendum est. Affectus est appetētis animi commotio ad id quod ille obicit siue bonum, siue malum: qui si ratione qua Deo paret, regatur, bonus est; si repugnet, malus, πάδες à Græcis, & à Cicerone perturbatio dicitur,

Bonum honestum per se expectandum, ut virtus, utile, & iucundum propter aliud, ut cetera bona animi, corporis, & fortunæ.

Honestarum actionum causæ primæ sunt, rationis iudicium, & voluntas. Due sunt mentis notiones. Omnium actionum causæ; mens iudicans, voluntas obtemperans, vis naturalis, affectus, & ex crebris actionibus atque assuetudine habitus, vel bonus a rectæ rationi consentaneus à spiritu sancto, vel malus à Diabolo & naturæ prauitate.

Quid affectus.

Plutarch. in  
lib. De virtute  
moralī.  
Cur Stoicis  
affectus sint  
opiniones &  
peccata.

Vitiosos)  
Stoicis enim  
affectus sunt  
peccata, &  
quicūque do-  
let, metuit,  
concupiscit, is  
peccat. Plu-  
tarch. in lib.  
De virtute  
moralī.

Propensio ad  
aliquem affe-  
ctum natura-  
lis est, ipse ve-  
rō affectus ac  
motus vehe-  
mentior, vo-  
luntarius,  
quōd h'c, vel  
institutione,  
vel metu, vel  
pudore cohi-  
beri possit.  
Vtilitas affe-  
ctuum  
Affectus alij  
boni, alij mali,  
alij mediij.

& definitur, turbidus animi concitatusq; motus auer-  
sus a ratione, inimicus mētis vitæq; tranquilla. A Plu-  
tarcho, vehemens motus ex pravo iudicio natus. Stoici  
cū viderent hominem multis ac pravis agicupidita-  
tibus, ipsamq; naturā hominis integram esse minimēq;  
vitiosam falsō crederent, negabant affectus esse natu-  
rales, sed opiniones tantū vel boni vel mali, & genere  
suo omnes esse vitiosos, & ex natura hominum excellen-  
dos affirmabant, quibus sapientem liberum esse volue-  
runt: sed erroris facīle conuincuntur. Primum enim,  
esse naturales & ingenitos, ex eo facīle probatur, quōd  
affectus seu propensiones quædam animantibus natura  
ipsa insiti sunt, ut amor parentum in liberos. Et quis  
non videt homines ad iram vel amorem, ad lætitiā  
vel tristitiā alios aliis esse procliuiores? Deinde non  
omnes esse vitiosos, ex eo satis perspicuum est, quōd ipsa  
Dei lex amorem nobis præcipiat in ipsum, in omnes  
homines: in coniugem, liberos, parentes: misericordiam,  
spem, fiduciam, gaudium, & alias aliquot affectiones  
perutiles, & ad excitādum animum necessarias. Quid  
enim vtilius ad hominum vitam spe gloria ac præmio-  
rum, quibus animi ad virtutes excitantur: & metu pro-  
bri ac suppliciorum, quibus à vitiis deterrentur & a-  
uocantur? Atque ita quidem affectus commodē possent  
distingui: ut alij natura boni dicantur, qui cum ratio-  
ne seu lege nature consentiunt, ut beneuolentia, miseri-  
cordia: alij mali, qui dissentiunt, ut odium, inuidia, su-  
perbia, desperatio: alij mediij, ut ira, spes, audacia, me-  
tus, cupiditas, amor, lætitia, tristitia: qui ut cum virtu-  
te congruant, rationis moderatione gubernandi sunt,  
& mediocritate metiendi. Sunt inter eos alij leniores,  
quos ἡδονῆς Græci vocant; alij vehementiores, quos ἰσχυρῶς  
nominant. de quibus vide Rhetorica. Ceterū nec  
illud

illud probandum est, quod quidam putarunt, naturales esse, non etiam voluntarios affectus. Cum enim voluntas nostra soli Deo subiecta, librum habere videatur agendi principium; existimandum est, ipsam quidem ad has vel illas proclivitatem, primumque etiam impulsu esse naturalem: sed earum commotiones voluntarias, ac rationis imperio posse cohiberi, ne ruant impetūque ferantur, atque hominem mox etiam prope intuitum ad vitia compellant. Quamquam etiam tum voluntas ipsa volens frenos laxat, & aliquo modo retinere possit, si modò adiutorem Deum inuocet. Vt enim sit imbecilla, tamen est aliqua libertas, quæ pudore & metu proposito refrenare possit affectus. Posse autem eos disciplina coerceri, testantur hæc verba diuinitus prodita: Sub te erit appetitus tuus, & tu dominaberis ei. Atque hoc illud est, in quo omnis philosophorum labor versatur, ut in omni vita, in dictis & factis, appetitus pareat rationi, tanquam gubernatrici. quod quidem & primum & maximum bene viuendi præceptum in re censeari debet: ut nihil nisi quod honestum & iustum sit aut appetamus: aut agamus, aut cogitemus: utque tranquillitatem animi, atque in omni vita constantiam retinere studeamus. Cum autem duabus ex partibus homo constet, animo & corpore: sitque duplex animi vis, ut supra dictum est, vna rationis particeps, altera expers: illa constans & quieta est, hæc inconstans & affectibus turbida, quæ sæpius illam commouet: quo fit, ut homo, si rationis ac mentis iudicium sequatur, perturbatione minus commoueat, sin corporis libidini malit obsequi, variè concitetur. Fons igitur affectuum est, animi pars illa rationis expers. eaque duplex, duos videlicet, irascens, cuius sunt affectus ferè concitatiores, & ὀρέων, appetens, cuius sunt mitiores. quæ si mentis ac ra-

Affectus esse naturales & voluntarios.

Pudore & metu refrenatur affectus. Quod spectet omnis philosophorum labor.

Vnde affectus.

ac rationis imperium ac iugum detrectans, suo feratur impetu, statim perturbationum aliqua moveatur necesse est, & vel boni vel mali opinione seu specie modo huc, modo illuc rapiatur; & interdum voluptate aut cupiditate, interdum dolore, aut metu, aliâ re cōmotione perturbetur. Ad hac enim duo genera, quicquid affectuum est, referri posse videtur: quod omnes perturbationes oriâtur ex opinione boni vel mali, siue presentis siue absentis. Nam cordis motum aliqua notitia semper antecedit, cum, ut ille ait, ignoti nulla cupido sit. Ex opinione boni voluptas, ex opinione mali dolor nascitur. Voluptas animum suauitate delenit, dolor cruciat. Ad voluptatem referuntur, amor, desiderium, letitia, quæ naturam iuuant, & inter hac præcipuè letitia; ad dolorem, odium, ira, metus, tristitia, quæ naturam ledunt grauissimè. Omnium autem sedes in corde rectè collocatur, cui magna est cum voluntate coniunctio, quæ vel appetat, vel fugiat, si quid obiectum sit: quod aut iuuare naturam aut ledere videatur. In omnibus porrò mediocritas querenda est, quod proprium virtutis est, ex quo nonnulli eam desinierunt, animi tranquillitatem: quæ existit sedata nimia vel voluptatum appetitione, vel dolorum & laborum fuga.

De amore.

CAP. IIII.

AMOR est inclinatio voluntatis, in id quod bonum putatur propendens. Cum enim aliquid oblatum est, quod aut verè bonum sit, aut specie boni placeat; ea opinione commouetur appetens animi facultas ad id potiendum ac fruendum. Bonorum autem quæ ab hominibus expetuntur, genera diximus esse tria: Honestum, utile, & iucundum, quæ sæpe coniunguntur; quod idem & honestum & utile & iucundum esse possit: ut amor parentum in liberos, &c. At non continuo quod

aut

Omnes affectus ad genera duo referuntur, voluptatem & dolorem, qui velut comites omnem morum affectionem sequuntur: in quibus mediocritas querenda est, quod virtutis officium est. In corde, ex quo spiritus in cerebrum exilientes, id quæ excitantes, animi perturbationem excitant.

Bonum honestum, utile, & iucundum sæpe coniunguntur: sæpe etiam separantur.

aut utile, aut incundum sit, honestum est: cum hac interdum pugnare cum honesto videantur. Sed nihil tamen est verè aut utile, aut incundum, quod non sit idem honestum: quod autem honestum est, id propter se tantum nulla nec utilitatis nec incunditatis habita ratione expetitur. Quanta sit vis amoris, Poëtarum carmina testantur: & paucos esse nullius amoris sibi conscios arbitramur. Triplicem fecit amorem Plato; primum: qui solam virtutem amplectitur & amat: sed hic affectionum numero exemptus, inter virtutes potius reponendus videtur, quod recte rationis iudicio utatur: alterum turpem, qui corporis voluptatē; tertium, qui animam & corpus amat. Primò nihil generosius est; altero nihil turpius; tertius utriusq. particeps ille quidem, sed non minus tamen errat, quam alter: quod corporis pulchritudinem admiratur, & vehementer amat. Huic amoris blandē venienti, & suaviter animum demulcenti nisi occurratur, & aliò traducatur animus egrotus; frustra medicina paretur, ubi iam inualuerit amor, & altius insederit: qui nonnunquam extincto paulatim rationis lumine, miserum amantem vel tabe cōficit, vel ad mortem etiam & atrocias scelera furis agitatum cōpellit.

Nihil verè utile aut incundum est, quod non sit idem honestum.

Amoris quid definiunt, cupiditate fruendi & pulchritudinis. At virtute quid pulchrius: quid amabilius?

Triples amor Platonis.

Amoris impotentis remedium.

De desiderio & spe.

CAP. V.

DESIDERIUM est cupiditas eius boni, quod nondum ad sit, fruendi, id si præsens est, amatur; si absens, desideratur. Ex hoc fonte, si negligatur iudicium rationis, & immoderata sit cupiditas, atque extra naturæ (quæ paucis est contenta) fines ac terminos egrediat; multa nascuntur vitia; ut avaritia, ambitio, libido, luxus, &c. Spes à Cicerone definitur expectatio boni. cui contraria est Desperatio, opinata boni adipiscendi difficultas ac dissidentia; quæ inter tristitia formas infra numerabitur. Prudentis est, ea sperare, quæ consequi possit:

Quid intersit inter amorem & desiderium.

Quid Spes.

Quid Desperatio.

possit: nec temerè desperare, quò per laborem peruenire possit. Atq; hæc quidē spes, qua bonū vel verum vel ad-umbratum optamus, distat ab ea quæ Theologica dicitur, & virtus est: ac desinitur æterna felicitatis expectatio, cui item contrarium vitium est, Desperatio. Sed ea virtus ad Patientiam fortitudinis speciem referri potest. Nam Fides theologica, per quam certò creduntur ea quæ non videntur, Prudentia ac Sapientia tribuenda videtur, Caritas iustitia, quæ virtutes omnes in se continet, quæ iure optimo prima virtutum censeretur debet: quia Deus propter se diligitur, & homo propter Deum. Atque hæc tria sunt omnibus precibus expendenda Dei dona.

## De lætitia

## CAP. VI.

LÆTITIA est affectio, quæ boni alicuius præsentis, quo delectatur animus, opinione commouetur. Cicero gaudium & lætitiā ita distinguit, ut gaudio placide & constanter, lætitia vero inaniter, & effusè moveatur animus. hoc affectu maximè innatur natura, & cor dilatatur, ac velut amplectens quod visum est bonum, dulciter animum iucundeq; movet, ac vitam in corde fovet, quam tristitia affectio contraria opprimit. Hæc autem iucunditas & delectatio pro magnitudine boni quod oblatum est, maior esse minorve potest, & aut honesta aut turpis. honesta erit, si naturæ modo ac rationi sit consentanea: qualis ex rerum bonarum contemplatione & studiis comparatur: turpis vero, si immoderata sit, & rationi repugnans: qualis ex corporeis voluptatibus capitur, ex pravis studiis, & ex malevolentia: veluti si quis alieno malo delectetur: quo vitio nihil esse debet ab homine, præsertim Christiano, alienius. Aristoteles inter hanc malevolentiam & invidentiam mediocritatem constituit *μεσότης* seu indigna-

Quid hæc spes à Theologica spe differat.

Fides, Spes, Caritas, præcipua Dei dona, quæ theologice seu divini virtutes appellantur.

Quid inter lætitiā & gaudium interfit.

Lætitia naturæ prodest: tristitia nocet.

Lætitia vel bona, vel mala.

Gaudia principum sunt nostri Phocæ doloris, Ovidius.

ἡ καὶ ἀσπασία, malevolentia lætans malo alieno. lib. 2. De moribus ad Nicom.

dignationem, qua res secundas iis qui sunt illis indigni, obtingere dolemus.

De audacia. CAP. VII.

OPPONITVR audacia metui; ut audaciam hic intelligamus moderatum audendi vim, ac confidentiam animi, & quandam mediocritatem inter nimiam & nullam, seu inter timiditatem & nimiam confisionem, qua quis malum neque futurum, neque presens exhorrens, pericula confidenter aggreditur. Oritur hac contrà ac metus, ex dilatatione cordis, spiritibus calorem eius intendentibus: quorum impetu quia sapius quàm ratione & consilio regitur animus, audacia verbum ferè in malam partem accipitur. Contraria est vera fortitudini, qua prudenter periculi magnitudine perspecta, magno animo id aggreditur. Ac de affectibus quidem hætenus. quorum moderatio maximè necessaria est ad optatum finem per virtutes contendentibus: ut quadam etiam in terris animi tranquillitate, qua Græcè dicitur *ἡσυχία*, quam Democritus finem bonorum statuit, futura illius ac vera voluptatis imagine fruamur: quam, sine Christi beneficio, qui solus animos hominum futura vite fiducia tranquillare potest, nemo unquam est consecutus.

Immoderata vis audendi vituperabilis est, & plerumque nocet; moderata laudabilis, & prodest.

Audaciæ verbum ferè in malam partem accipitur. Verè fortitudini contraria. Affectuum moderatio necessaria.

Vnde vera pax & tranquillitas animi.

De odio, & ira, & cognatis affectionibus.

CAP. VIII.

AMORI contrarium est odium: quod à Cicerone definitur, ira inueterata, hoc est continuata. Nascitur hic affectus ex animi offensione, malum quod videtur auersantis, & alicuius vel facti vel dicti lesi, vel solus opinantis, & interdum occulta quadam natura vi ab alterius amicitia abhorrentis. Quemadmodum autem amore conciliantur omnes, sic odio disiunguntur: quo nihil est humana societati perniciosius. quod

Vnde nascitur odium.

Occulta) Martialis, Non amo te, Sabidi, nec possum dicere quare.



Odisse vitia,  
nō hominem  
debeinus.

Ad odium re-  
feruntur Cō-  
temptus, Ira,  
& Inimicitia.  
Quid Con-  
temptus?

Quid Ira vi-  
deatur: nā ex  
opinionē in-  
iuriæ receptæ  
nas citat  
Affectus iræ  
omnium tur-  
bulentissimus.

Quid inimi-  
citiæ.

Quid differat  
iracundiæ &  
ira.

Ira, furor bre-  
vis est.

Iræ impetus.

Non omnis  
ira æquē tur-  
bulenta est.

eo etiam gravius est, quo premit occultius. Odisse vitia prodest: at hominem amare, Christiana charitas iubet, & peccati noxam remittere: nulla verò de causâ quēquam odisse, per absurdum est, & à recta ratione alienissimum. Referuntur ad odium plures affectiones, quæ bono viro fugienda sunt: ut contemptus, ut ira, ut inimicitia. Contemptus est, quo quis alium se putat abiectionem: cum nulla sanè sit causâ, cur se quisquam alij præferendum putare debeat, propterea quod ex se nihil ipse proferre possit, quod non aliunde acceperit, ut ex litteris sacris notissimum esse debet Christianis. Ira definitur, libido puniendi eius qui iniuria læsisse videatur. affectus hic graviter hominē perturbat, & in eum à quo ille se læsum putat, acriter inflammatur; omnium affectionum turbulentissima: qua non solum animus, verum etiam totum corpus interdum ita concitatur, ut præ ira vix homo videre, ac sensibus uti, vix loqui possit. Huc inimicitia pertinet, qua definitur, Ira ulciscendi tempus observans. huc & discordia, pestis reipubl. huc omnis malevolentia refertur. Differt iracundiæ ab ira: quod iracundiæ sit naturalis facultas, qua quis ad iram proclivis redditur; ira verò, illius facultatis commotio, & à ratione aversus impetus: quo sic interdum perturbatur animus, ut iratus à furioso perparum distet; ac verè ab Horatio dicatur, Ira furor brevis; & ab Ennio, insania principium. Inflammatur hac perturbatione, atque exardescit in corpore sanguis; & spiritus agitati subito ita hominem commouent, & a se ipso alienant, ut ex potestate mentis exire, nec, antequam resederit impetus, ac sese remisit feror, ad se redire dicatur. Sed non omnis ira æquē turbulenta est. alia enim facilior est, & concitator, hominemq; subito corripit, sed minus diuturna est: alia remissior quidem, sed



amarior & permanentior, atque in odium degenerans, & vindictam expetens. Nec omnis ira vitiosa videri debet, cum in sacris litteris ita legatur: Irascimini, & nolite peccare. nec male ab Aristotele mediocritas ira inter nimium & parum laudata est; & ira moderata fortitudini rerum maximarum comes adiuncta; quam veteres Academici, teste Cicerone, fortitudinis quasi cotem esse dicebant, id est, adiutricem: qua Seneca monet utendum esse, non ut duce, sed ut milite. Irascendum igitur est impietati, iniustitie, ceterisque vitiis: & excitandus nobis animus cum opus est, cum tempus & locus postulant; retinendus vero, si nulla eiusmodi sit irascendi causa. Et quo gravius perturbatus est animus, eo diligentius ira moderabimur, impetum cohibebimus, ac summa vi opprimemus, reuocato statim rationis imperio, & eo, quod iram concitauerat, subtracto, restinguemus ardorem, vel in aliud tempus dilata vindicta, minuemus perturbationem. Diligenter etiam illa proclivitas ad iram nobis refrenanda est, & rationis imperio moderanda, propositis vite communis incommodis. Est enim permolesta cum hominibus iracundis consuetudo: sed intolerabilis cum iisdem, si & superbi sint & maledici.

Nō omnis ira vitiosa est.

Quomodo ira utendū sit. Irascendum vitiis.

Quomodo restinguendus ardor iræ.

Permolesta est cum iracundis consuetudo.

### De tristitia. CAP. IX.

TRISTITIA, seu agritudo, est perturbatio, contrahens ac premens animum. qua definitur à Cicerone, opinio recens mali presentis, in quo demitti contrahiq; animum, rectum esse videatur. & brevius: Agritudo est, animi aduersante ratione contractio. nascitur hæc vel ex mali alicuius presentia, vel absentia boni. ex hoc fonte multa perturbationes fluunt, quas enumerat Cicerone in extremo libro 3. Tusculanarum questionum. & in quarto, cum quatuor perturbationum genera posuisset,

Quid tristitia.

Vnde nascitur.

Aegritudinis  
species.

Indicta dif-  
fe ab odio.  
quod illa oc-  
cultus, hoc  
sape patitur:  
illa non laetur  
ex alterius re-  
bus secundis,  
quæ nihil in-  
ueniunt no-  
ceant. Nec ex  
equodam la-  
sine vel zelu-  
rus videatur  
eius odium:  
& invidian-  
tium hominū  
sit, odium etiā  
reliq̃arum  
animantium,  
vt ait Plutarc.  
in libro de  
invidia &  
odio

Non omnia  
tristitia, sicut  
nec nimis vo-  
luptas est vi-  
tiosa.  
Vnde sca-  
tur etus.  
Quis metus  
sit utilis.  
Cui alii sunt  
aliis timido-  
res.

Naturæ nocet  
metus.

Species metus  
à ierone  
definitioni  
bus explicatæ

set, & definiisset, enumeratas repetit his verbis: Sed  
singulis perturbationibus partes eiusdem generis plu-  
res subiunguntur, vt aegritudini inuidia, emulatio,  
obrectatio, misericordia, (sed hunc nos affectum bonū,  
non animi morbum indicamus) angor, luctus, mœror,  
erumna, dolor, lamentatio, sollicitudo, molestia, affli-  
ctatio, desperatio, (quæ sub metum subiici potest) & si  
quæ sunt de genere eodem. hæcenus Cicero, quem sin-  
gulas formas definientem ipse legito. Vt non omnis vo-  
luptas vitiosa dicitur, ita nec omnis tristitia. viq̃ gau-  
dere virtute laudabile est; ita vitio tristiari ad cohiben-  
dum immoderatē gestiētem animum, vtile est: nec tur-  
pe videtur moderatē lugere coniuges, liberos, parentes,  
alios etiā coniunctissimos & amicissimos.

### De metu. CAP. X.

METUS est expectatio mali, seu futura aegritudi-  
nis sollicita recordatio, vt Cicero ait: estq̃ spes contra-  
ria. Nasitur metus ex contractione cordis, ob immi-  
nentis periculi opinionem. utilis ad vitam est modera-  
tus metus, consilio rationis acquiescens: immodicus ve-  
rò vel nimis parvus, vituperatur. Sunt alij natura ti-  
midiores, alij audaciores, quod corporis temperationi  
Physici tribuendum censent: sed hic tamen non parum  
valet opinio, qua vel augetur vel minuitur metus. hæc  
perturbatio plurimum naturæ nocet, hominemq̃ præ-  
sertim in repentinis casibus ita commouet, vt non mi-  
nus qui vehementer est percussus, quàm qui graniter  
iratus, ex potestate mentis exisse videatur. Sub metum  
species multe subiunguntur, quarum omnium vna causa  
est, finis autem opinioq̃ mali diuersa; pigritia, terror,  
pudor, timor, paor, exanimatio, conturbatio, formido:  
quarum definitiones apud Ciceronem eodē libro quar-  
to Tusculanarum questionum requires. Adduntur his,

adula-

adulatio, quæ & blanditia miculosa dicitur: suspi-  
cio, motus ex mali imminentis consideratione: despera-  
tio, desecta mentis consternatio: sollicitudo, cura angens  
expectatione mali: & alia nonnulla species. Pudorem  
Cicero perstrinxit, non definiuit. Apsolui definitio po-  
test, ut sit pudor, metus turpitudinis, quem rubor con-  
sequitur. Is adolescentibus potius quam grandioribus  
nati conuenit, de quo infra latius dicendum est sub ca-  
pite de Modestia.

De virtute, & eius diuisione, & origine.

CAP. XI.

AD FINEM initio propositum omnes hominum  
actiones diriguntur: ad quem duce virtute peruenitur.  
qua breuissime definiri potest, *Habitus quo libera vo-  
luntas ad agendum recte rationi conuenienter incita-  
tur.* Recte autem rationis appellatione intelligimus le-  
gem nature, & earum rerum notiones qua nobiscum  
nate, & mentibus nostris diuinitus insita sunt, ut de  
rebus bonis & malis, honestis & turpibus recte iudice-  
mus ut, Deum esse colendum: neminem ledendum, &c.  
que virtutis norma recte vocabitur, ad qua omnis vi-  
ta actio dirigatur: cum qua nisi congruat, virtus appel-  
lari non potest. Omnis autem virtus, atque omnium hu-  
manarum actionum ille finis esse debet, ut placeant Deo.  
Definitur a diuo Augustino virtus, ars bene recteque  
vivendi: a Cicerone interdum recta ratio, interdum a-  
nimi habitus, natura, modo, ac rationi consentaneus:  
interdum affectio animi constans conueniensque, lauda-  
biles efficiens eos in quibus est. Ab Aristotele vero de-  
finitur, habitus animi ad consulto & sponte agendum  
aptus in eam, quam ratio nobis prescribit, & que pruden-  
ti probetur, in mediocritate positus. In his definitioni-  
bus verbum *Constans*, quid sit habitus, declarat: ut in-

Adulatio.  
Suspicio  
Desperatio.  
Sollicitudo.  
Pudor.

De virtute &  
eius diuisione  
vide Cicero-  
nem De in-  
uentione lib.  
2. extremo, v-  
bi tria rerum  
expectandarum  
genera expli-  
cat  
Quid virtus  
(Diuinitus)  
Nam Deus  
omnis virtu-  
tis auctor est,  
qui reclamra-  
tionem largi-  
tur, qui men-  
tes & volun-  
tates homi-  
num regit.  
Finis omniū  
actionum.

Plures virtu-  
tis definitio-  
nes.

Natura scilicet  
humanæ.

Virtus est ha-  
bitus animi,  
recte rationi  
consentaneus.

telligamus, hunc virtutis usu & exercitatione comparari & distingui a naturalibus animi viribus, & ab affectibus. Quod dicitur, ad consulto ac sponte agendum: id significat, voluntariā esse virtutis actionē. quod habitus animi, id ostendit sedem virtutis. quod in mediocritate positus, id explicatur his verbis ab Horatio,

Explicatio  
partium defini-  
tionis.

Quæ medio-  
citas lauda-  
bilis sit.

Cuius ope  
continentes  
homines vir-  
tutis habitum  
comparare  
possint.

Quomodo  
virtus pare-  
tur.

Vera virtus  
Dei benefi-  
cium est.

*Virtus est medium vitiorum utrinque redactum. ut ex eo discamus, omnes virtutes mediocritate quadā, quæ prudentibus viris ac rerum multarum peritis, & bonis probetur, esse moderatas. Verum cum dicimus, actionē virtutis esse voluntariā, seu libero iudicio susceptam; id ita accipiendum est, ut occulto Dei beneficio, ac sacri spiritus ope, sine quo nihil rectē facere possumus, adiuti, recto mentis iudicio parentes, libera voluntate connitentes, virtutis habitum diligentia & assiduo usu cōparemus. Virtutis enim efficientes duæ sunt hæ præcipuæ causse, mens rectē indicans, & voluntas rectē indicanti ac precipienti obtemperans: quæ plurimū tamen adiuvantur doctrina, quæ cognitionē earum sententiarum, quæ natura nobis insunt, ac lumen diuinitus datum magnis sæpe tenebris obscuratum illustret, ut Decalogus: & naturalis propensionis incitatione, & disciplina seu morum observatione, ac diligentia in regendis actionibus, velut oculi vitiatione, & earum rerum quæ peccandi occasionem offerunt. Plato in Menone scribit, à Deo virtutem dari, non esse à natura nobis ingenitam, (ut Stoici voluerunt) nec (ut Peripatetici) usu tantum constare. Certe veras virtutes non nisi diuino munere contingere existimandum est, alios etiam facilius à natura flecti, ipsā tamen ratione & usu confirmari. Quod ad vitiositatem attinet, eam voluntariam esse dubium non est. Rectē igitur hominis actiones liberas esse dicendum videtur, omnesque virtutes*

virtutes & vitia esse voluntaria. nam quod voluntariū non est, id nec laudem nec vituperationem meretur; sed venia dignum iudicatur. Quamobrem virtus optime definiti potest, obedientia voluntatis, recte rationis & temperantis, ut placeat Deo, qui finis est omnium virtutū. Contraria vitij seu vitiositatis est definitio. Constat utrumque his causis efficientibus, mente seu rationis iudicio, voluntate, vi naturali, affectu, & ex trebris actionibus habitu vel bono, qui virtutis est, & diuino munere datur; vel malo, qui vitiositatis est, & à diabolo aut natura prauitate proficiscitur. Diuiditur autem virtus ab aliis in duas partes, Iustitiam & Fortitudinem: ab aliis in quatuor, Prudentiam, Iustitiam, Fortitudinem, & Temperantiam. Alij virtutem, ut totum ex partibus consistere censent, quod actionibus diuersis accommodatum, quasi diuersas efficiat species, cum ex omnibus vna virtus absoluta perficiatur: nec vlla sit ex quatuor illis virtutibus, quæ reliquarum comitatu carere possit. Aristoteles in vna prudentia virtutes omnes conexas ait. nos accepta à veteribus distributione, virtutem diuidemus in quatuor illas, quas modò posuimus, formas: quarum prima intelligentiam regit, reliquæ voluntatem: quibus subiici potest, quidquid vsquā virtutum reperiatur. Ac primum de prudentia dicemus, in cuius etiam explicatione breuiter æconomica & politica perstringentur: quæ postea, si videbitur, latius explicabuntur. Plato quatuor harum virtutum alias perfectas esse dicit, quæ iam altius in animo radices egerunt: quarum inter ipsas ea est societas, ut vna sublata, ruant omnes: alias verò imperfectas, quarum nonnullæ, sublati aliis, tamen remanere possint. Est alia virtutum diuisio, ex ordine & gradibus perfectionis: qua distribuuntur in politicas, purgatorias,

Quæ sponte, quæ non sponte, quæ inuitæ, quæ consilio habent: quid voluntas ostendit Aristoteles Ethicorum ad Nicom. libr. 3. ca. 1. 2. 4. 5. Finis omnium virtutum.

Virtus aliter ab aliis diuiditur.

Connexas) quod ex non sine prudentia sint. lib. vi. Ethicor. Virtus duplex est, alia intelligentiam regit, quæ præstantior existetur, alia voluntatem, quæ propriè moralis dicitur. Virtutū quatuor alie perfectæ, licet imperfectæ Platon. Virtutes alie politice, alie purgatorie, alie purgati animi, alie exemplares.

Politicas Ci-  
cero in libris  
De officiis ex-  
plicat: quibus  
tertio viri ci-  
uilius & ho-  
nesti in-  
tendunt cōri-  
metur.

Purgati ani-  
mi virtutes  
D. Augusti-  
nus non rece-  
pit.

Virtus cur de-  
finiatur à Ci-  
cerone recta  
ratio, seu ra-  
tionis perfe-  
ctio; seu recta  
animi affe-  
ctio.

Vnde officia  
ducantur

Cur vnâ tan-  
tâ virtutem  
esse nonnulli  
dixerint.

*purgati animi, & exemplares: quam prioris libri ca-  
pite octauo commentariorum in Somnium Scipionis  
copiose Macrobius explicat. Primas docet Salomon in  
Prouerbis, alteras in Ecclesiaste, tertias in Canticis,  
quartas in Deo legimus. Poluica vita humanâ regunt,  
& ciuilem societatem conseruant: ex quibus homines  
bonis ciuibus grati laudantur. Purgatoria labes ani-  
morum purgant, & ad victoriam contendunt. Purgati  
verò animi virtutes, in eo qui denictis iam vitiis in vir-  
tutum amore constanter acquiescit, collocantur. quas  
diuus Augustinus cum reliquis tres approbaret, non  
recepit. Exemplares vulgo dicuntur, quæ veluti idææ  
sunt, (vt Græci vocant) seu formæ & species in mento  
diuina, cum Deus rerum omnium bonarum sit exem-  
plar. Virtus à Cicerone definitur (vt dictum est) modò  
recta ratio, modò in se perfectâ, & ad summum perdu-  
ctâ natura: nonnunquam rationis perfectio, quam de-  
finitionem Seneca secutus, ait: Virtus non alia quàm  
recta ratio est, ad quam veluti regulam omnes vitæ  
actiones diriguntur. Et recte virtutum origo omnis à  
recta ratione ducitur: nec enim aliud virtus est, quàm  
(vt bene Cicero definiuit) recta animi affectio, ex qua  
velut è fonte quodam omnes rectæ actiones, quæ dicun-  
tur officia, fluunt de quibus idem utilissimos ad vitam  
honestè iustèque degendam libros optime scripsit. Atq;  
ita intelligendum puto, quod vnâ tantum virtutem  
nonnulli dixerunt, vnum quidem esse officium, seu præ-  
scriptam cuique à recta ratione actionem, quæ pro ma-  
teria, quam tractat, varietate diuersis rebus accommo-  
data, quatuor illas quas diximus virtutes procreat. Est  
enim reuera dumtaxat vnâ recta animi affectio, virtu-  
tum procreatrix omnium: quarum diuersa nomina sunt,  
Prudentia, Iustitia, Fortitudo, Temperantia, de qui-  
bus*

bus ordine differemus: si illud primum admonuerimus, nō solum ea quæ sacri spiritus dona vocantur, verum etiam omnes veras virtutes, ut piè censuit Plato in eo quem supra nominavi dialogo, non nisi diuino munere nobis contingere, maximè verò tres illas omnium sanctissimas, quas supra sub capite quinto perstrinximus, fidem, spem, & charitatem: nimirum si hæc præcipua, & ad salutem omnibus Christianis necessaria Dei dona complectamur, & hoc duce ad finem peruenire contendamus.

Cic. Nulla excellens virtus sine afflatu diuino.

De prudentia.

CAP. XII.

PRUDENTIA virtutum reliquarum velut magistra ac index, quæ nulla virtutes vacare possunt, rectè primo loco statuitur, dux actionum, & ars vincendi: quæ definitur à Cicerone, rerum expetendarum fugiendarumque scientia: hoc est, recta mentis affectio, quæ quid in actionibus humanis expetendum fugiendumve, & quid verum falsumve sit cognoscere, & quæ sint ad felicitatem adipiscendam utilia comparare studemus: à Cornificio in Rhetoricis ad Herennium, calliditas, quæ ratione quadam potest delectum habere & bonorum & malorum, quod prudentia vis omnis in rerum bonorum & malorum, & nec bonarum nec malorum delectu cernatur. Calliditas est intelligit non illam vitiosam, quæ sæpius hoc nomine vocatur; sed eam solertiam, quæ occultè cum honesta aliqua atque utilissima simulatione in locum prudentiæ subit. Ad quam vassè dicta, & callidè facta, quæ in re militari appellantur Strategemata, referuntur. Ab eodem quoque dicitur Prudentia, multarum rerum memoria, & usus complurium negotiorum. Quamvis autem Prudentia, sicut reliquæ virtutes, in actionibus humanis versetur: præcipuè tamen ei veritas, quasi materia, quam tractet, subiecta est. Et certè propria hominis esse videtur inquisitio &

Prudentia est moderatrix actionum honestarum & utilium cognitionem expetens.

Varie Prudentiæ definitio est.

Strategemata callidi consilia ducum.

Prudentiæ materia, veritas cuius inuestigatio propria est hominis.

Ad veri in-  
quisitionem  
necessaria.

Scientia.

Ars.

Prudentia.

Intelligentia.

Sapientia.

E. Teneget) In  
Ethicis ad Ni-  
com. nam in  
magnorum  
Ethicorū lib.  
1. cap. 33 &  
34. ait virtutē  
esse non solū  
sapientiam, ve-  
rum etiā pru-  
dentiam: quod  
prudentis of-  
ficiū sit opti-  
malequi, &  
horum semper  
esse in diligen-  
do & agendo  
studiosum.

investigatio veri. Ad veri inquisitionem referuntur ab  
Aristotele virtutes sub intelligentiam cadentes, quin-  
que: Scientia, Ars, Prudentia, Intelligentia, seu Mens,  
& Sapientia. quarum Scientia, Sapientia, & Intelli-  
gentia, certam notitiam & perfectam virtutem postu-  
lant: Ars & Prudentia probabilem. Scientia definitur,  
certa ac firma rei alicuius per causam cognitio atque  
perceptio, quæ vel ex insitis animi notionibus per se  
cognoscitur, vel rationū demonstratione comparatur:  
estq; earum rerum quæ aliter se habere mutarive ne-  
queunt, ut Mathematica, ut Theologia. Ars dicitur,  
habitus ratione conficiendi ea quæ aliter habere se pos-  
sunt: ut omnes artes humana. Prudentia definitur, ha-  
bitus ratione conficiendi ea quæ sunt homini vel bo-  
na vel mala. Est hæc item ut ars earum rerum quæ ali-  
ter habere se possunt. Hinc prudens dicitur, qui & sibi  
& aliis bene consulere potest; utilis & ad rem familia-  
rem, & ad remp. administrandam. Intelligentia di-  
citur habitus principiorum, ex quibus probationes pe-  
tuntur, percipiens. Sapientia definitur scientia perfe-  
ctissima eorum quæ sciri ab homine possunt, quæ rerum  
diuinarum humanarūque scientiam complectitur,  
sed magis diuinam, ut humanarum prudentia, quam  
Aristot. lib. 1. cap. ult. magnorum Ethicorum sapien-  
tia procuratricem vocat. Prudentia coniunxit ille ar-  
tem, scientiam, intelligentiam & sapientiam: quod ta-  
met si virtutem quidem scientiam esse neget, non tamen  
sine hac illam constare posse arbitratur. Et si enim sola  
virtutibus proposita sit bonitas, & disciplinis veritas;  
cū tamen huius inquisitioni sit adiuncta boni cupidi-  
tas; non absurdè videtur appellari posse virtutes, scien-  
tia, sapientia, ars, & intelligentia, si prudentia actio-  
nibus inserviant, & boni investigationem adiuvant; nō  
autem



autem soli rerum contemplationi vacent; cum virtutis laus omnis in actione & vita rectè instituenda cōsistat. Quamobrem licebit ita prudentiam definire, ut sit virtus, qua veri boni ac sapientia rerumque honestarum & utilium cognitionem expetit, reliquarumque virtutum actiones moderatur. Prudentia igitur comites adhibeat intelligentiam, ad res cognoscendas: scientiam, ad verè percipiendas: artem, ad communem vitam usum: sapientiam, ad rerum diuinarum inuestigationem: ut his adiutricibus ad veri notitiam perveniat; ipsumque summum bonum atque omnis sapientia fontem rerum celestibus aquis atque in vitam aeternam exilientibus profluentem comprehendat. Iam cum singulis virtutibus certa quadam in animo sedes, unde oriantur, attributa sint; prudentia datus est in mente ac ratione locus, reliquis in voluntate: cum prudentia sit officium, quid in rebus agendis rectum praeiudicium sit, inuestigare, ac recta ratione diiudicare. quod quidem non modo ingenio, quamvis acuti, sed magna rerum plurimarum cognitione, comparatur. & rectè dictum est. Longo prudentia surgit ab usu. Ex quo intelligendum est, habitum mentis, unde hac veri inquirendi solertia nascitur, prudentiam dici: qua ad varias hominum actiones bene iudicandas longam vitam, & multarum rerum usum ac memoriam, & praesentiam cognitionem requirit. Prudentem quoque naturali quadam veri perspicendi ac diiudicandi facultate praeditum esse oportet: qua praesentia cernat, ac diligenter excutiat, praeterita repetat, & futura praevideat: qua consultando, & solerter inquirendo valeat: qua perspicendo quid in quaque re verum, & quid agendum sit: qua rectè iudicando, & quid pulchrum, quid turpe, quid utile sit, callidè sagaciterque statuendo. Tres enim partes à Cicerone pruden-

Plena prudentia definitio.

Prudentia est, verum indagare, & summi bonum.

Prudentia sedem habet in ratione: fortitudo in ira cohibenda temperantia in cupiditate: iustitia verè totius animae est: Ex Archyta.

Prudentia imperat: parent fortitudo & temperantia: sed iustitia tria est: Ex Thege. Ad bene iudicandum opus est acuti ingenio & longo usu & memoria.

Tres prudentiae partes, quibus comprehenduntur, quae Macrobii li. 1. cap. 8 in Somnium Scip. prudentia inest: cit, ratio, docilitas, circumspectio, cautio.

dentia subiiciuntur; Memoria, per quam animus preterita repetit: Intelligentia, per quam ea quæ sunt perspicit: Providentia, per quam futurum aliquid videtur, antequam eveniat. Tres item ab Aristotele numerantur: *ἡ बुδία*, bene consulendi facultas: seu, consilij ex tempore capiendi solertia. eadem industria ac sagacitas in inveniundo ac providendo dicitur *ἀγχινοία*, ad deliberationes & res dextrè gerendas maxime necessaria: *σοφία* intelligentia, perspicientia ac solertia conficiendi id, quod recto consilio inuentum est: & *Γνῶμη*, sententia intelligens; ac rectum de rebus agendis boni ac moderati viri iudicium, & constantia in eo quod æquum & bonum est. Prudentis igitur & intelligentis viri est, (ut paucis complectar) multa scire & generalia & specialia: præteritorum meminisse: futura prospicere: præsentia perpendere: valere consilio, perspicacè esse, & bene iudicare, ac præterea vitam agere non solum integram; verum etiam, ut locus ac tempus in hac vita communi postulabunt, paulo cautiorum & diligentiorum: tum verò in omni virtutum explicatione diligenter expendere atque æstimare personarum ac rerum attributa, quæ circumstantia vocantur: quarum mutatione fit interdum, ut quod nefas erat, fas esse videatur: ut, non licet hominum occidere, latronem licet. Et quod graue erat, grauius efficitur: ut, furari turpe est, sed turpius in templo. Denique omnibus in rebus videre quid æquitas postulet, quid persona, locus, tempus: ut ubique modus teneatur ac decorum seruetur, de quo lege quæ Cicero scripsit lib. 1. De officiis. Ac de prudentia quidem officio, quod in actionibus humanis seruari debet, hætenus. Quoniam autem humanarum actionum varietas in tria genera dispartita est, ut aliæ sint actiones singulorū, quæ sunt vniuscuiusque, atque omni hominum generi communes: aliæ domestica, quæ ad

Prudentis of-  
ficio.

Extribus a-  
ctionum ge-  
neribus tri-  
plex pruden-  
tia constitui-  
tur.

familie administrationem pertinent: alia civiles, quibus ad publicam hominum societatem conseruandam utendum est: triplex quoque prudentie vis intelligi potest: una communis omnium, quæ monastica dicitur: altera œconomica: tertia politica, quæ omnium præstantissima censetur; quod in bono maximè communi versetur: ad quam tamen ordine perueniendum est. neque enim aut familiam aut remp. bene administrabit, qui non sit vir bonus, & morum præceptis instructus, atque ad omnem virtutem formatus & paratus ad rempubl. veniat, & rectè norit familiam gubernare. Trium harum moralis Philosophia partium duas posteriores, quamuis & singulatim ab Aristotele tradantur; hinc tamen etiam, quod a Prudentia gubernentur, quæ (vt in Partitionibus Oratoriis Cicero ait) in suis rebus Domestica, in publicis Civilis appellari solet, breuiter complectemur.

Politica prudentia præstantissima est.

Cur hoc loco Œconomica & Politica dantur.

De Œconomica. CAP. XIII.

DICTVM est de ea prudentie parte, quæ in vniuscuiusque hominis actionibus cernitur: nunc de ea dicendum est, quæ domesticis officiis continetur, quam Græci vocant οἰκονομική, id est, rationem bene gubernandæ familie, seu quæ est de tuenda re familiari. Versatur enim hac ratio in familia, tamquam in materia quæ tractetur: cui propositus ille finis est, vt familia prudenter & ad vitam commodè agendam vtiliter pro dignitate cuiusque regatur, qualiscumque sit ea, siue regis, siue satrapæ, siue ciuitatis. siue hominis priuati: de quo hic potissimùm agimus. Omnis autem familia duabus ex partibus constat, homina & re familiari, homo complectitur patrem familiâs seu dominum, uxorem, liberos, seruos: res familiaris verò domum & opes. Hac ordine perstringamus, & à patre familiâs, quod is prima cōstituendæ familie sit origo, principium ducamus.

Quid œconomice.

Finis œconomicus.

Quibus ex partibus familia constat.

Natura boni  
patrisfamilias.

Societas oeco-  
nomica à na-  
tura orta est.

Alimentum  
v. de compa-  
retur.

De domo.

De re fami-  
liari.

*Debet igitur primum paterfamilias ( quæ uxori pru-  
dentia, & equitate prestare, ac natura studiosum a-  
micitia coniunctionisq; ac propaganda prolis intelli-  
mus ) & scire & posse tueri societatem uxoris ac libe-  
rorum, quam à natura ortam lex ac ratio moderatur:  
ut quod naturale est, idem fiat & legitimum & pium:  
sintq; proprii coniugum liberi, non, ut Plato voluit,  
communes: deinde, ut reliquis virtute prestantior hu-  
manum atque benevolum imperium retinere in suos  
tum liberos tum servos. quorum illi saepe ingenio libe-  
raliori sunt, hi plerumque abiectiori. Constituta iam  
familia, querendum est alimentum, victus, vestitus, ac  
tectum, quod ab intemperie calis & bestiarum incursum  
defendat. Alimentum suppetitabunt agricultura, ve-  
natus, aucupium, piscatus, opificium. Iam cum pater-  
familias & uxor primaria sint, & efficientes familia  
causæ, liberi verò & servi tanquam instrumenta que-  
dam, omnesq; in domo & re familiari veluti materia  
versentur; nos hic primum de domo ac re familiari pau-  
ca dicemus: deinde personarum, quæ modò nominate  
sunt, indicabimus officia. Domus omnium primum cõ-  
paranda est, quam vitæ necessitas homines edificare  
coëgit, ut haberent quò se reciperent, ut aves in nidos,  
bestia in latibula: fueruntq; initio domus ad necessariũ  
usum extructa, mox ornamenta paulatim accesserunt.  
Habenda primum ratio est ipsius usus & commodita-  
tis, deinde dignitatis cuiusque. cavendus est in adifi-  
cando sumptus nimius, & damnoſa magnificentia: &  
ne domus fundum, ut ille monebat, desideret. Spectanda  
est loci salubritas & commoditas, aliq; multa quæ Vi-  
etruvius, & philosophi qui de re familiari scripserunt,  
diligenter explicarunt. Atque hætenus de domo, de-  
inceps de re familiari dicamus. ea vel naturalis est, &*

omnium

omnium optima: ut agricultura, venatio, piscatus. vel artificiosa, qua lucrum spectat: ut opificia & artes, quibus victus queritur. Sunt praterea alia partim liberales, partim illiberales: ut pictura, ut typographia, ut architectura, qua & ingenio & manu perficiuntur. Ex his artibus, qua multa ac varia sunt, ob varias hominum necessitates inuēta, pater familiās eam quā nouerit, exerceat, & alimētū honeste sine ullius iniuria ac fraudē sibi suisq; cōparet: vitet noxias & odiosas artes: querat vtilēs. Odiosus quæstus est, fœneratorum & publicanorum: turpis, eorum mercatorum qui mendaciis ditantur: turpior etiā eorum, qui voluptatū administrant. Quæsitā pater familiās conseruet, & his frugaliter vtatur, sciatq; nō minoris artis esse, quā querere, parta tueri. Atque hæc breuiter de domo & re familiari perstrinximus: nunc persequemur officia domesticorum, ac primū patris familiās, de quo suprà cœpimus dicere. Prima huius erit cura, ut uxorem ducat vir annos ad triginta natus puellam paulo minorem, aut certē nō multo maiorem annis viginti, vitæ ac fortunarum sociam atque participem, honestam, prudentem, modestam, bonis parentibus natam, bene sanam, opibus ipsi ferē parem, non superbam, non morosam, quæ & amari & amare possit. Eam non aliter ille quā se ipsum amabit, sociam ac consortem vt administratio- nis atque laboris domestici, ita & fortunarum ac rerū omnium: & quidem solum indissolubili vinculo coniunctam amabit, atque vt liberam decet, non nimis arctē, si modō nullus pudicitie iustus metus obs̄et, continebit: nec tractabit illiberaliter, sed honestē, piē, pudicē, benignē, clementer, vt se virum Christianum esse meminerit, caput quidem uxoris, sed quam vt sui dimidium diligere debeat; & suo etiā quodam iure sinat vti.

Honestis artibus quærendus victus.

Officia patris familiās.

Qualis uxor ducenda & quomodo tractanda.

Susce-

Studiose ac diligenter educabit: eiꝫ precipuum tenera corpuscula curadi studium delegabit. Eos ab ineunte aetate ad virtutem & pietatem teneros informabit, & bonis ac necessariis artibus instituendos curabit. rem suo studio & industria honestè & sine invidia quæret: & probam rei faciendæ rationem tenebit sine mercaturis faciendis, aut opificiis exercendis, sine aliis honestioribus & liberalioribus opes & honores quærendi modis, qui plurimi sunt, victum & sibi & suis ministrabit, si sit opus quesito. Quod si res non pariendo labore, sed à parentibus relicta sit; eam diligenter tuebitur; & prudenter ac moderatè sumptus faciet, habita loci & conditionis ratione: ut nec prodigius nec avarus habeatur; militq; semper & haberi & esse liberalior quàm sordidior. Si dominus habet seruos; nouerit eis rectè uti; & instituet, humaniterq; tractabit: sin mercede conducti, bona fide seruiant; horum opera vietur, & exercebit eos labore conueniente, non defatigabit: & alet ut oportet; curabit ut necessaria domus instrumenta; & in officio continebit; nec insolenter efferrî patietur. Pactam eis mercedem suo tempore benignè soluet. Si plures erunt serui; pro capiti cuiusque vel digniori vel abiectioni misneri eos præponet. Vxor domum diligenter & assidue curet; ac præsens rebus domesticis adsit; obseruet famulorumq; operas: maritū reueretur: nō difficilis & morosa sed pudica, & pudicè ancillas & liberos aliosq; omnes in officio vacatos atque tranquillos contineat: non superba, non sumptuosa: neque verò sordida, sed decet cultu propibus ornata. liberos suo lacte, si possit, alat infantes, & eorum tenera corpuscula diligenter curet; eosq; pie & honestè, non sordidè, sed frugaliter educet: rem familiarem augere studeat; & labore mariti partam sua frugalitate

Quomodo  
re, non par  
ea labore, et  
relicta, con  
seruanda sit.

Quomodo  
serui tractandi

Officia vxor-  
is.

galitate conseruet. Liberi suos parentes reuerentur, amēt, & (vt ipse 'Deus præcipit) honorēt; imperata faciant libenter; illis morigeri sint in omnibus rebus, dum nequid impium aut inhonestum postuletur. Ferant patrem quamuis durum, nec ei respondeant irato: & meminerint vbique pietatis & obedientia quæ parentibus debetur: obtemperent quoque præceptoribus, qui sunt animorum formatores, ac veluti alteri parentes. nam utrisque idem propositum est, rectè instituere liberos. destinatis studijs incumbant; otium & voluptatem in primis vt pestes vitent: maiores natu, rei q̃, publ. tum: sacre tum profana gubernatores, & viros bonos ac sapiētes reuerentur: eos verò à quibus eorum & lingua & pectus optimis artibus ad omnem humanitatem informantur, præcipua quadam beneuolentia colant. Serui subiecti sint, & fideles dominis, dicto audientes. & semper ad imperium parati: heros vt parentes obseruent, & ament: frugales, moderato victu, & necessario vestitu contenti, rem dominorum augere velint, nihil suffurentur: dominum patienter ferant, si morosior erit; si faciliior, ne contemnant. An Christianis liceat habere seruos, & an aliqui sint natura serui, quod Aristoteles affirmat, aliis disputandum relinquo.

Officia liberorum.

Officia seruorum.

Lib vii De rep. cap. 11.

### De Politica. CAP. XIII.

QVEMADMODVM ex singulis hominibus constat familia, sic ex multis familiis respublica & ciuitas, id est cœtus hominum eiusdem imperij tutela, ac in ris communione sociatus: qui rerum suarum statum per se tueri possit. In republ. bene gerenda maximè cernitur Prudētia, sine qua nulla hominum societas regi potest. Politia seu Resp. breuissimè definitur à Plutarcho in libro De tribus reip. generibus, status & ordo ciuitatis in rebus gubernandis obseruandus. & à Cicerone, ratio

Quid Respublica.

Definitio ex Plutarcho, & Cicer.

Quibus in re-  
bus salus Reip.  
posita sit.

Formę rerum  
publicarum,  
tres bonę, mo-  
narchia, ari-  
stocratia, de-  
mocratia. tres  
istę pręuę, ty-  
rannis, oligar-  
chia, ochlo-  
cratia seu an-  
archia.

Quę sit opti-  
ma Reip.

Qualis apud  
Romanos fue-  
rit Reip.

ratio atque prudentia Reipub. gerenda. Civilis hac pruden-  
tia ciuium actiones prescribit: ac tota in ciuium so-  
cietate defendēda, velut in materia, quam tractandam  
suscepit, versatur: eumq; sibi propositum habet finē, vt  
respub. bene geratur, ac ciuiū salutē cōsuletur. ad quem  
peruenitur obseruatione religionis, iuris ac legum; stu-  
dio communis utilitatis atq; concordie, & recta inuen-  
tutis institutione; vt honesta sit & inculpata vita; vt  
vis & iniuria puniatur, vt suū cuique tribuatur: hoc  
est, vt piē, iustē, ac tranquillē uiuatur. Discrimen hoc  
Aristoteles inter familiam & rempub. esse tradidit;  
vt in repub. sit iuris equalitas, qua summi cum infimis  
exaquantur; in familia vero, dominus regis imperium  
habeat in liberos & seruos, vt subiectos, inter quos hu-  
iusmodi equalitas esse non potest. Rerūpub. sex forma  
numerantur: tres bonę, quas rex, optimates, & populus  
iustē, atq; ad communē totius ciuitatis utilitatem ac-  
commoditē administrant: totidemq; pręuę, quas tyrā-  
nus, paucorum factio, & plebs, pro sua libidine regunt,  
omnia ad suū commodum rapientes. Nulla videtur  
vllius gentis ciuitas esse, quę nō ad earum aliquam re-  
ferri possit. Eam rempubl. quę ex tribus illis, quę rectē  
iudicantur, est constituta, Cicero secundo libro de Rep.  
optimam esse arbitratur, quōd ea pręstātor sit, utilior,  
& durabilior singulis. Apud Romanos, post exactos re-  
ges respubl. primū Aristocratica, deinde plebis seces-  
sionibus mutata vsq; ad Iulium & Augustum Demo-  
cratica videtur fuisse, moderatione quadam regni &  
Aristocratia sic temperata, vt regia quadam maiestas  
in Consulibus emineret, Aristocratia in senatoribus,  
Democratia in tribunis pleb. sed penes populum tamen  
summa potestas esset. nunc regia monarchia senatus ac  
prudētum consilio stabilita, certisq; legibus ad mode-  
randam



randam vim principum ac nimiam potentiam necessa-  
rius temperata merito propter utilitatem ac tranquil-  
litatem omnibus videtur preferenda; præsertim cum  
non electione, sed diuina quadam providentia natis in-  
re sanguinis regum ac principum liberis parentum suc-  
cessoribus aut propinquis regna deferantur. Omnis au-  
tem bona Resp. recto consilio & iusto imperio conserva-  
tur: quibus mutatus facillimè labefactatur. Quoniam  
autem ciuitas ex multitudine ciuium iure viuentium constat;  
quales eos esse oporteat, siue nobiles illi sint & locuple-  
tes, siue ignobiles & tennes; siue consilio ciuitatem gu-  
bernent; siue armis defendat; siue artes necessarias ex-  
erceant; breuiter ostendimus. Bonus patria ciuis appel-  
landus est, qui ciuilibus ornatus virtutibus, & in pri-  
mis iustitia & fortitudine, quas prudentia & tempe-  
rantia moderantur, officia non tantum domestica &  
familiaria, verumetiam publica & domi & bello re-  
cte exequi possit. Ad virtutes & honestas ac necessa-  
rias artes docendus publicis preceptoribus opus est &  
probis & eruditis; quorum diligentia pueri ab ineunte  
etate recte instituti, præstantes virtute ac pietate, re-  
rumque optimarum cognitione utiles patrie cines eua-  
dant. Quod si parentum opes non ferant, ut filij per  
otium studiis liberalioribus instituantur; proximum  
est, ut aliquod opificij genus doceantur, quo victum qua-  
rant. Cauenda autem sunt omnibus diligenter otium  
& voluptas: studium semper, & honesta atque utilis  
exercitatio querenda est tum animorum tum corporum.  
Efficiendum est omnibus bonis ciuibus, maxime verò  
parentibus & preceptoribus, ut quoniam pueri & ado-  
lescentes facile quiduis imitantur, his vite integrita-  
te praluceant, sintq; minoribus nati virtutis exemplum:  
auferatur omnis, quantum fieri potest, occasio peccandi:

Monarchia tem-  
perata ceteris  
preferenda.

Quibus rebus  
conseruetur  
Resp.

Quis bonus  
ciuis.

Quibus præ-  
ceptoribus lit  
vtendum

Otium & vo-  
luptas cauenda.

Domestica vi-  
tiorum exem-  
pla cauenda.

Cur magistra-  
tui parendum.

Officium pe-  
regimini.

Officium ma-  
gistratus.

Magistratus  
pius, bonus,  
prudens, iu-  
stus, æquus,  
& p. stu-  
diolus, non  
avarus, cru-  
delis, super-  
bus, libidino-  
sus, flagitio-  
sus.

Parendum vir-  
tute & sapien-  
tia præstanti-  
bus.

Tueri hinc  
Magistratus  
ab Aristotele  
definitur, cu-  
stos legis.

Hierarchus di-  
xit leges, vi-  
moru n, esse  
defendendas:  
quibus salus  
Reip. constat.  
Æquitas pru-  
dentet ser-  
uanda.

remoueantur libidinis ac voluptatis incitamenta: ma-  
gistratui pareatur, si bonus est; ut patriæ parenti, cui di-  
uinitus data est potestas: si malus, patienter feratur,  
& sine seditione modeste sui officij, & suppliciter ad-  
moneatur. Leges obseruentur; colatur in primis religio;  
pax inter ciues & cōcordia retineatur: caueatur omnis  
discordia caussa: sua quisque curet: nec ad rempubl.  
nisi vocatus accedat: quieri semper consulatur: vecti-  
galia soluantur: patria cuique sit carissima, pro qua  
nec mortem, si sit opus, oppetere bonus ciuis debita-  
bit. Patria enim prima post Deum caritas debetur, ac ma-  
gistratui: proxima parentibus & cognatis; tertia ciui-  
bus iuris communione sociatis. Peregrini sua trahant  
negotia, nec de alienis curiosius inquirent: modeste se  
gerant. Magistratus officium est studere salutis & in-  
columitati & vtilitati Reipublicæ: prudenter eam re-  
gere: Deum vereri: religionem, pietatem, iustitiam, le-  
ges, æquitatē conseruare: tueri Ecclesiam; curare scho-  
las, bonos mores, instituta ac disciplinam ciuitatis: mo-  
deratē ac scienter iis, qui uis præst, uti (quod efficere  
non poterit, nisi vir bonus, & qui consilio ac sano iudi-  
cio plurimum valebit, cui iure parendum sit, ut præ-  
stantiori) tueri leges, & curare diligenter ac studiosē  
ut obseruentur, quibus & ipse parebit: ut suum cui-  
que tribuatur, & alienum legitimē auferatur: nemo  
ladatur: ceteraq; natura iura conseruentur, atq; omnia  
discordie semina tollantur. Prescribere quæ recta sunt,  
& cum legibus atque æquitate coniuncta: pro dignita-  
te personæ, quam induit, se gerere decet, humane, mo-  
destē, iustē, non sordidē, non auarē, non superbē, nō mo-  
rosē, non crudeliter, non libidinosē, ius æquum omnibus  
dicere: nihil ira aut gratia tribuere: clementem seueri-  
tatem & æquitatem in animaduersionibus ac suppli-

ciis adhibere: ne eadem de re accusatos alios asperius,  
 alios mitius (nisi quid obſtet, quod ita facere cogat in-  
 iurum) puniat: curare ex aequo ciues omnes & diuites  
 & pauperes, & nobiles & ignobiles: nullā reipub partē  
 negligere, nullā contempere: nulli nimirum ſtudere: ma-  
 los pœnis afficere, bonos præmijs: prudentes ac bonos ſe-  
 pe conſulere, & ad publicas deliberationes adhibere, ne  
 ſolus ſapere velle videatur: arbitrari ſe patrē eſſe reip.  
 procurare ciuitati neceſſaria, vt annonam, ſi fortē ino-  
 pia & caritas rei frumentaria timeatur, vt alia quibus  
 in diſſicilibus reip. temporibus eſt opus: maximam ve-  
 rò tum rationem habere pauperum, cum neceſſitas ma-  
 ximē premit, præſertim popularis, qualis eſt annonæ  
 diſſicultas. Peregrinos atq; aduenas & incolas huma-  
 nē atque benigne tractare, ne malē apud exteras natio-  
 nes ciuitas audiat: denique curas omnes ac ſalutē reip.  
 referre: huius commodis utilitatibusq; ſeruire; huius  
 dignitatem in primis & decus ubique conſeruare. Et  
 quoniam vnus omnia munia ſuſtinere non poteſt, plu-  
 ribus ad varia officia magistratibus opus eſt: quorum  
 tamen omnium idem ſtudium eſſe debet, conſulere ci-  
 uium commodis, & eorum utilitati ſalutiq; ſeruire di-  
 ligētius quā ſuā. Cum autem res gr̃dua ſit & diſſici-  
 lis, reip. bene adminiſtrare; ſemper ad opem diuinam  
 omnibus confugiendum eſt, quo nullum præſidium cer-  
 tius. Niſi enim, vt in Pſalmis canitur, Deus cuſtodie-  
 rit ciuitatē, fruſtra vigilant qui cuſtodiant eā. Quod  
 ſi fortē bellum ſit gerendum; cum nihil eo pernicioſius  
 reip. diuinitus immitti poſſit; retineatur illud Teren-  
 tianum: Conſilio omnia prius experiri, quā armis. ſa-  
 pientem decet. Si non poteſt cuitari; quod in omnes in-  
 tenditur periculum; prudenter adeundum eſt, fortitē-  
 que præſtandū; de quo pacis etiam tēpore cogitan-

Mali pœnis,  
 boni præmijs  
 afficiendi.

Ope diuina  
 fulcitur ciui-  
 tas.

De bello.

Duces.

Milites.

Rei militaris  
cognitio ne-  
cessaria magi-  
stratus.

Liori de re  
militari in bel-  
lum gerendum  
vtilis.

Artemilitaris  
Resp. ne effe-  
ria.

Tria genera in  
Resp. hominū  
genera.

dum est: sed nullum, nisi iustum, suscipiendum est bel-  
lum: ad quod bene gerendum, adhibenda est preparatio  
diligens: querendi strenui duces, & rei militaris periti,  
& feliciter in multis bellis versati, & auctoritatē suis  
virtutibus cōsecuti, nec fortes modo, sed prudētes etiam  
& callidi: maturē conquirendi milites, siue pedites, siue  
equites, siue classarij, necessariis armis instructi, & eo-  
rum delectus habendus: conficienda est pecunia, quæ  
verē nervus belli dicitur: continendi milites in offusio,  
quorum precipua virtus est, obedire ducibus: sed illis ut  
imperari possit, suo tempore stipendium solvendum est:  
cavendumq; ne spolient & vexent eos, ad quos defen-  
dendos conducuntur: quod ex veteri querela tum rus-  
ticorum, tum oppidanorum, quibus illi praesidio scili-  
cet esse debebant, quā crudele sit & graue misera ple-  
bi, hoc praesertim tempore, quo nulla unquam minor  
discipline militaris observatio, nulla maior praedandi,  
& innocentes opprimendi licentia fuit, nimis notū est.  
Non donuenit, magistratum rei militaris esse omnino  
rudem aut inexpertum. & quamvis hoc tempore lon-  
gē sit alia, quā veteribus fuit, belli gerendi ratio, pro-  
pter novū illud tartarei fulminis inuentum; plurimū  
tamen prodesse poterunt veterum de re militari libri,  
velut Flauij Vegetij, Iulij Frontini, Aeliani, Polyani,  
& similium; quorum lectrone magna rei militaris scien-  
tia comparabitur: quæ si confirmetur veteranorum ac  
fortium militum, qui multis bellis interfuerunt, atque  
ducum strenuorum ac prudētiū experientia, qui bel-  
licis artes usu longo didicerunt; quis dubitet eam fore  
absolutissimam? nec minū hac scientia ciuitati videri  
necessaria, quā togata prudentia, aut alia qua-  
cumque sit ars ad vitam utilis. Cū enim tria sint in  
rep. hominum genera: ut magistratus, qui bene ac iuste  
regant:

regant: ut imperatores & milites, qui fideliter ac fortiter defendāt: ut artifices & liberalium & illiberalium disciplinarum, qui necessarius & vtilibus artibus inuent, velut sapientia studio, agricultura, mercatura, ceteris: idem tamen omnibus studium esse debet amabili concordia conseruanda reipub. Ac de politica prudentia haecenus.

De vitiis prudentiæ contrariis. CAP. XV.

VITIUM prudentiæ contrarium, est imprudentia, qua contraria quoque ratione definiri potest, inscitia atque inopia consilij & facultatis discernendi res bonas & malas; seu verum inuestigandi, seu diiudicandi quid agendum atq; expetendum fugiendumue sit.

Commune hoc malum est vitijs omnibus, sicut prudentia virtutibus, quod nulla virtus consilio prudentiæ carere possit: omnisq; iniustus & ignauus & intemperas, idem imprudens dici debeat. Imprudentia comites sunt, error animi, & temeritas recto iudicio contraria: multumq; fortunæ tribuit imprudens, quam ut numen colit, cum ratione atque consilio non utatur: & affectibus indulgēs ea sepius admittit, quorum postea pœnitcat: vel contra per ignauiam ac negligentiam nec liberos nec coniūgem curat, nullam in familia disciplinam, nullam auctoritatem retinet. Talis in reipub. si magistratus erit, improbi datam sibi licētiā peccandi arbitrabuntur: si talis Imperator, ignaui milites reddentur, etiam illi quos acceperat strenuos: quales ante Numantiam Scipio Aemilianus offendit, quos ad pristinam virtutem restituta militari disciplina renouauit, nullamq; rei bene gerendæ occasionem pratermisit. Ex quo facile intelligitur, huic vitio remedium optimè adhiberi institutionem ac disciplinam, siue monendo atque excitando, siue docendo. Est etiam calliditas vitium,

Imprudentia communis omnibus vitijs, ut prudentia virtutibus. Imprudentiæ conuersus est error & temeritas.

In prudens à fortuna pendet, sed minus ille sentit, qui dixit: Nul- lum nūc eni habes, si sit prudentia: sed te Nostamus Fortuna deam, ea loq; locutus.

Qualis ceconomus imprudens.

Qualis magistratus vbanus, vel militaris imprudens.

Remedium imprudentiæ.

Calliditas virtutum, quando virtus dici possit. Decipimus specie recti. Hor. Viri sunt medium vitiorum utrinque reductum, ut idem ait, sed eorum alterum facile, alteri difficile cernitur.

quod simulatione virtutis fallit incantos: cui cum non sit propositum inuestigare verum, prudentia dici non potest, sed subdola & versuta prudentia imitatrix: quæ tamen interdum virtus habetur, si ad bonum finem referatur. Sed cognitis prudentia partibus & actionibus, non erit difficile contrarias videre: verum diligenter cavendum est, ne fallant ea nos vitia, quæ virtutem imitari videntur. Est ipsa quidem virtus, inter duo fere extrema mediocritas, sed quorum alterum aperte vitium est, facileq; cernitur: ut cum prudentia opponitur imprudentia, iustitia iniustitia, fortitudini ignavia, temperantia intemperantia, liberalitati auaritia. Alterum verò, quia virtuti similitimum vitium est, non ita facile cernitur: ut cum prudentia calliditas, seu malitia tribuitur, iustitia acerbitas, fortitudini audacia, temperantia immanitas in voluptatibus aspernandis, liberalitati effusio, perseverantia pertinacia Ovidius:

Et mala sunt vicina bonis, errore sub illo

Pro vitio virtus crimina saepe tulit.

De iustitia.

CAP. XVI.

IUSTITIA est, quæ suum cuique tribuit, & suo quæq; officio fungi iubet. Eam Cicero dominam omnium & reginam virtutem vocat, intelligens, ut opinor, illam generalem, & uniuersam virtutem, reliquarum communitatem perfectam: quæ est omnium animarum consensus, & quedam velut harmonia: cum appetitus rationi parent. Eam ille definit habitum animi, qui communi utilitate conservata, suam cuique tribuit dignitatem: Et, affectionem animi, quæ suum cuique tribuit, ac societatem coniunctionis humanæ munificet & æquetur. Definitur etiam ab eodem, æquitas, ius suum cuique tribuens pro dignitate (ac merito) cuiusq; Aristoteles appellat animi affectionem, qua homines apti reddunt.

Varie definitiones iustitiæ.

Aristot. lib. 5. Ethic.

redduntur ad iuste agendum, quāq; ea quae iusta sunt, & volunt & agunt: eodemq; modo iniustitiam, quae iniuriam faciunt, & res iniustas volunt: Iurisconsulti, constantem & perpetuam voluntatem ius suum cuiq; tribuentem. Versatur enim iustitia in distribuendo iure, tanquam in materia; ut aequalitas, quam ius parit, conservetur. Vitia contraria singulis sunt; huic iniustitia, illi iniuria fortitudinis & temperantiae plura. Nihil est hac virtute magis ad conservandam generis humani societatem necessarium, nihil natura, quae nos ad omnem humanitatem mutuamq; benevolentiam informat, convenientius, cuius munus est, nocere nemini, & prodesse velle omnibus. sola virtutum omnium in bonis alienis spectatur, quae non ad suum, sed ad aliorum commodum omnia referat, ut scribit Aristoteles: quae de causa reliquis virtutibus praestare videtur. Quod si ad hanc societatem (ut eleganter lib. 1. De legibus Cicero probat) nati sumus: ad iustitiam quoq; sine qua societas illa, coniunctioq; constare non potest, natos esse nos fatendum est: eamq; naturaliter institam nobis tanquam faciem praelatam ad iustas res agendas fugiendasq; contrarias, recte rationis iudicio, Dei cōcessu ac munere datam: quae si agendi consuetudine confirmetur, tum demum habitus virtutis, cuius tanquam parvos igniculos natura dedit, & perfectio cōparabitur. Quod de mediocritate iustitiae queritur, est illa quidem (ut Aristoteles censet) mediocritas, sed aliter atque reliquae virtutes morales, inter utrumque extremum posita, quae refertur ad ius & aequalitatem: in qua conservanda versatur, sicut in inequalitate, iniustitia, & iniuria, perturbatrix aequalitatis & iuris.

De partibus iustitiae. CAP. XVII.

IUSTITIÆ partes duae sunt: una, communis &

Iustitia in iure distribuendo versatur, quo conservatur aequalitas. Vicia, iustitiae iniustitia, iuri iniuria contraria.

Iustitia communis ad aliorum spectat.

Ad humanam societatem & iustitiam nati sumus.

Iustitia Dei donum.

Iustitiae mediocritas qualis.

Arist. Nam iuste agere, medium est interficere & accipere iniuria, quorum illud iustitiae contrarium est, hoc non est: illud autem plus obtinere est, hoc minus, ut ait Aristotel. lib. 5. cap. 9.

vniversa, quæ est obedientia, quæ inferiores anima partes rationi subiiciuntur. Ea in conservanda humana societatis æqualitate versatur, & commune bonum spectat, docetq; legem & æquitatem colere: altera, privata, quæ in reddendo quod debetur cuique, cernitur. eaq; duplex est: vna quæ in commerciis ac negotiis æqualitatem conservat, quæ vulgò commutativa dicitur: altera, quæ in distribuendis præmiis & pœnis pro cuiusque merito, quam distributivam appellant. Iustitia communis officium est, legem & æquitatem conservare, ex quo iustus appellatur, qui legibus omnibus cum Dei & natura lege congruenter obtemperat. Lex definitur à Cicerone, Ratio insita à natura, quæ iubet ea quæ faciendâ sunt, prohibetq; contraria: itemq; Recta, & à numine Deorum tractata ratio, imperans honesta, prohibens contraria. Plenius a nobis definiri potest lex, æterna Dei voluntas & norma naturalis: ad quam hominum vita dirigi debet. Hac divinitus infixâ mentibus, & sacris literis prodita; legem natura perficit, quæ caritas in Deum & homines præscribitur: ut nequis homo homini faciat, quod sibi fieri nolit. Huc omnes referantur leges, instituta, mores, iura ad reipub. conservationem necessaria: in quibus observandis iustitia cernitur, in violandis iniustitia. Legi se coniungit æquitas, quæ rectum secuta rationis iudicium, legem scriptam moderatur, & severitatem acerbiorē prudenter pro loco, tempore, & hominū ingenio mitigat, optima legum omnium interpretis, quæ distribuentis iustitiæ pars Aristoteli videtur. Nihil autem aliud inter legem & virtutem interest, nisi quod ea quæ recta sunt virtus docet, ad eaq; propositis & commodis & intammodis exhortatur, sed lex iubendo & prohibendo cogit. Iustitiæ privata pars illa, quæ distributiva dicitur, ad

Duplex iustitia; communis & privata. Commutativa in rebus: Distributiva in peronis versatur. Iustitiæ communis officium.

Lex.

Legum bonarum auctor Deus.

Æquitas, moderatrix legum. Scripserunt autem quæ etiam moderantur.

Quid inter legem & virtutem interest.



ad magistratus potissimum pertinet: quæ non tantum  
in officiis & muneribus pro dignitate cuiusq; tribuen-  
dis, verumetiam in pœnis constituendis versatur, ut  
æquali iure ciues regatur, boniq; præmiis, & mali sup-  
plicis vel maioribus vel minoribus afficiantur. Est hoc  
quidem magistratus officium: sed huius virtutis cogni-  
tio omnibus est necessaria, ut suum quisque locum quæ  
in repub. teneat, & munus, quo fungendum sit, intelli-  
gat: suumq; tribuat ac relinquat cuique & locum &  
munus, seq; norit ipse, nec insolentius esse at. Hæc vir-  
tus, quoniam æqualitatem conservare maximè studet,  
geometrica proportioni comparatur; in qua maiorum  
minorumq; numerorum æquaratio spectatur. Ea verò  
pars, quam commutativam appellant, in cõmerciis ho-  
minum versatur, & suum unicuiq; tribuere docet, ut  
res pro rebus, pretium pro merce detur summa æquali-  
tate conservata: habetq; hæc magis debiti retribuen-  
di rationem, quàm honoris digniori distribuendi: quam-  
obrem & cum Arithmetica proportionem confertur,  
quod in hac numeri, in illa rationis observetur æquali-  
tas. Hæc in rebus contrahendis, quas explicant Iuriscõn-  
sulti, spectatur: illa in honoribus & pœnis, quæ consti-  
tuuntur à magistratibus. Comprehendi videtur hæc pri-  
vata iustitia sub illa cõmuni, tamquam species sub ge-  
nere, quod utraq; ius & æquum sequatur; illa propter  
legum auctoritatem, hæc propter æqualitatem, qua po-  
litica societas continetur, quam vir bonus, etiam nullis  
coactis legibus, conservandam putat. Ac de universò  
iustitia genere, eiusq; partibus, hæcenus. Sed quoniam  
his alia sex partes à Cicerone desinit in libris De in-  
ventione subiiciuntur: religio, pietas, observantia, ve-  
ritas, vindictio, gratia; de his etiam dicendum est:  
quibus addentur liberalitas, magnificentia, amicitia,

Distributiva  
Iustitia  
quæ pœnis in  
quibus versatur.

Se quisque  
noscat.

Geometrica  
Proportio.  
Commutans  
Iustitia  
quæ in  
commerciis.

Arithmetica  
Proportio.

Sequētes vir-  
tutes dūci-  
buenti iusti-  
tiae subdiciun-  
tur.

Et singulis contraria vitia. Hæ virtutes, quoniam ra-  
tionis æqualitate constant, distribuenti iustitia sub-  
iiciendæ videntur, sicut omnis rerum contrahendarum  
varietas commutanti.

De sex iustitiæ partibus à Cicerone positis, earum-  
que vitiis, atq. aliis nonnullis quæ sunt illis cognata.

De religione. CAP. XVIII.

Ius est, quod  
aut ratio, aut  
lex fieri iubet,  
aut vñtat  
Quid ius na-  
turæ.

Quid ius con-  
suetudinis.

Quid ius legi-  
timum.

Religio  
lib. 4 cap. 24.

CICERO libro secundo De inuentione, iustitia  
tres partes subiecit: Ius natura, consuetudinis, & legi-  
timum, quod æquitas & interpretatur, &, cum opus  
est, corrigit. Ac natura legem definit, quod nobis non  
opinio, sed quedam innata vis afferat. cuius partes nu-  
merat sex, quas modo posui. Consuetudinis ius est, quod  
voluntate omnium sine lege vetustas comprobauit, vt  
pactum, par, indicatum, & quæcūque sine scripto mo-  
ribus recepta sunt. Legitima iura ex legibus cognosci  
oportet. Leges autem omnes aut publicæ aut priuatae  
sunt. Ius natura omnium gentium commune est: ius ci-  
uile speciale singularum ciuitatum; quod locus & ho-  
minum ingenius accommodatum est. Vtrumque du-  
plex est: pertinens vel ad cultum diuinum, quæ Religio  
dicitur, unde ius diuinum appellatur: vel ad hominum  
societatem, quæ dicitur Æquitas, unde Ius definitur  
ars equi & boni. Sed his ita breuiter enumeratis, & iu-  
ris prudentiæ studio relictis, sex illas iuris natura par-  
tes explicabimus. Religio, est iustitia erga Deum, seu  
pietas qua Deum colimus: ita nominata, vt Lactan-  
tius libro quarto scribit, à religando, quòd hac condi-  
tione gignatur, vt generanti nos Deo iusta & debita  
obsequia præbeamus, hunc solum nouerimus, hunc se-  
quamur. hoc vinculo pietatis astricti Deo, & religari  
sumus: cui summus amor ac longè maior debetur, quàm  
uxori, liberis, parentibus, & quicquid homini carum esse  
potest:

potest: cum omnes omnium caritates vnus ille sit complexus. Plutarchus religionem interpretatur, scientiã rerum diuinarum: nos virtutem, qua iustus ac verus Deo tribuitur cultus. Quam vt omnium virtutum, ita & iustitiæ fundamentum, atque adeo parentem rectè vocabimus. Nihil hac virtute ad conseruandam reipub. vitamq; iustè ac fraudis expertem inter ciues agendã magis necessarium est: cum nulla vis alia, magis arceat homines ab omni improbitate, quàm si senserint peccantibus à Deo paratum sibi supplicium, & piè ac iuste viuentibus aditum ad calum atque ad felicitatem eternam datum. Nulla fuit vnquã gens tam barbara, quæ non aliquam religionem, quãuis falsam, coluerit, & Numinis alicuius metu ab iniuria sit prohibita, cum iniurandũ ad constringendam fidem vinculum arctissimum haberetur. Quid Christianos facere par est? quibus fides est omnis religionis fundamentum ab IESU Christo Domino & seruatore nostro, & sanctis apostolis, eiusq; successoribus ita positum, vt nulla nec humana vi, nec inferna possit euertere: quid (inquam) facere par est eos, quibus cum virtute viuentibus certissimam vitæ felicitis ac sempiternæ spem Deus ipse dedit: cuius promissi fiducia quis verè pius pro sancta religione vel mortem oppetere, si sit necesse, dubitabit? Quàm facile ab omni iniuria abstineretur, si illud Seruatoris Dei ac Domini nostri præceptum omnium animis esset altius infixum, Quod tibi fieri nolis, alteri ne feceris. Quam sententiã homines sapientes, etiam à nostrâ religione dissidentes, ita sunt admirati, vt nihil diuinius, nihil ad hominum societatem conseruandam utilius tradi potuisse, indicarent. Religionis contraria est superstitio, nimia religio, quæ non vt oportet numen diuinum colit: seu vanus & inanis Dei cultus:

Religionis obseruatio maximè Reipub. necessaria.

Religio seu reuerentia cetera Deum est omnibus hominibus innata.

Fides Christianæ religionis fundamentum est.

Quod tibi fieri nolis, alteri ne feceris, præceptum Dei, hominibus inscriptum. Contraria religioni.

quo vitio detestabilior etiam peior est impietas aduersus Deum, ac religionis & iurisiurandi contemptio, blasphemia perditorum, Epicureorum & Atheorum; peruersa de religione ac rebus diuinis hæreticorum opinioniones: quibus reuerentia erga Deum, & fides omnis euer-  
titur, quibus periuria, quibus sacrilegia confirmantur.

De pietate.

CAP. XIX.

SECUNDO loco numeratur a Cicerone pietas, quæ tamersi desinatur interdum ab illo, Iustitia aduersus Deos, ut sit eadem quæ religio: tamen sæpius accipitur pro iustitia erga parētes, seu grata voluntas in parētes. Sed in Rhetoricis absolutius desinita est Pietas, per quā sanguine coniunctis, patriæq; beneuolis officium, & diligens tribuitur cultus. Itemq; alibi: Pietas est, quæ erga patriam aut parētes, aut alios sanguine iunctos officium conseruare moneat. Rectè virtus hæc proxima religio-  
ni adiungitur, quòd primus Deo tribuendus sit cultus, proximus parentibus & propinquis, & in primis patria, quam Cicero omnes caritates vnā ait esse com-  
plexam. Contrarium pietati vitium est impietas, in eos quibus beneuolentia & caritas debetur. Aduersus hoc tam detestabile scelus, cum ignotum adhuc esset parricidij nomen, legem ferre necesse non fuit: postea verò quam exorti sunt, qui natura legem violantes, & beluis immaniores, eis vnde vitam acceperant, vim & manus inferrent, sancita lex est asperissima: de qua in Pandictis sub tit. ad l. Pompeiam, de parricidiis.

De Obseruantia.

CAP. XX.

OBSERVANTIA est, per quam aetate, aut sapientia, aut honore, aut aliqua dignitate antecedentes reueremur & colimus. Id enim natura lege præscriptum Deo ipse iubet, ut parentes & magistratus, quos ille præesse voluit, iusto cultu atque honore dignemur, &  
his

Quid pietas.

Cur proxima religioni pietas erga parētes.

Impietas.

ex Pompeia de parricidiis.

Omnia anima testatibus supereminens  
his subiecta  
inquit D.  
subiecta  
L. xij.

his libenter obedientes nos praebeamus. Hac obedientia virtus adeo necessaria est, ut sine ea nec domus, nec ciuitas, nec vlla societas permanere possit: hac ipsa etiam virtute elementa conseruantur, hac varij stellarum cursus, hac totius mundi compages sustinetur. Tolle obedientiam, quid efficiet magistratus vel sacer vel profanus? quid parentes? quid praeceptores? quid in bello duces? Contrarium obedientiae vitium est contumacia ac negligentia obseruantiae: id quam sit perniciosum, primorum totius generis humani parentum grauissima ruina, quae totum genus humanum afflixit, documentum nobis dedit. Oritur hoc vitium ex superbia & arrogantiâ atque ciuitatâ, qua quis ipse de se bene existimans, seseq; diligens, nimium sibi placet. Nihil autem est & Deo & hominibus odiosius superbia. semper enim, ut Latinus Tragicus ait, Sequitur superbos ultor à tergo Deus. Testatur idem irreparabilis ille, & quonullus grauior vnquam fuit, malorum Geniorum casus. Contrarium alterum obedientiae vitium est, simulatio obsequij, & ad res parum honestas obedientia.

Contrarium obedientiae vitium contumacia vnde oriatur.

Execrabilis est superbia.

Alterum obedientiae vitium simulatio.

## De veritate.

## CAP. XXI.

VERITAS est, inquit Cicero, per quam immutata ea quae sunt, aut fuerunt, aut futura sunt, dicuntur: seu, rectus animi habitus, quo quis & verum siue affirmando siue negando dicit, & nihil simulat falsum: vnde verax appellatur. Necessaria virtus est non solum ad fugiendam in artibus sophisticam, & omnem in vita fucum, verum etiam ad negotia contrahenda, in quibus fides dominari debet, quae definita est dictorum factorumq; constantia & veritas: nec aliud est in rebus, rationibusq; contrahendis veritas, quam fides: quae si diligenter obseruetur, proprium iustitiae munus explebitur, quod est, suum cuique tribuere. Veritati contrarium

Dicuntur  
Non enim solum intellige e quae vera sunt, quod est prudentia sed etiam agere & loqui oportet, quod est iustitia.  
Fides iustitiae fundamentum.

Contra veritatis vitia.

Vitium

Execrabile est  
mendacium  
Quanta sint  
ex mendacio  
mala.

Iactatio

Calumniæ.  
Falsa laudatio  
& vituperatio  
Simulatio.

Loquendi li-  
bertas.

Privata vin-  
dicta non  
vitandum.

vitium est mendacium, nemq; sophismatum calumnie, omnisq; fraus, & simulatio, atq; arrogantia, & dissimulatio. Impium & perniciosum resp. mendacium est. nam & hominem a Deo qui verax est, omnisq; veritatis fons, auertit, ac diabolo conciliat, mortemq; anime sempiternam affert: & humanam societatem fraudulentæ negotiatione violat, odiq; ac dissidia fallaci lingua concitat. Molestæ doctis est illa quorundam nimium sibi arrogantium vana præsertim iactatio. Execranda verò calumniæ, laudatio malorum, & vituperatio bonorum. Simulatio quoque indigna est bono viro, qui non aliud dicit ac sentit: non laudat præsentem, quem vituperat absentem: non dolo malo, sed prudenter, si sit opus, ac sine fraude simulat aut dissimulat. Atq; idem etiam interdum sumit eam sibi loquendi libertatem, quæ Græcè παρρησία dicitur, quæ sæpenumerò sunt vsi philosophi, sed ut Socrates faciendum monuit, nunquam sine utilitate: ne odio magis quàm iudicio adhibita videatur: qualis illa Therpsita Homericæ fuit. Sed hac ipsa tamè abutuntur quidam, ad nimiam assertionem eruditi, qui hac via callidè gratiam aucupantur.

De vindicatione. CAP. XXII.

VINDICATIO est per quam iniuriæ factæ, vel damna data puniuntur. Cicero eam definit, per quam vis, & iniuria, & omnino quidquid obfuturum est defendendo aut vlciscendo propulsatur. Et, Vindicatio, per quam aut contumeliam defendendo aut vlciscendo propulsamus à nobis & à nostris, qui nobis esse cari debent, & per quam peccata punimus. Sed hac posterior definitio, excepta postrema parte, nobis idèò parum comoda videtur, quòd ultionem privatam continet; ab illo etià probatam libro 1. De officiis: quam scimus non solum à Christianis, verùm etià à profanis philosophis, nostræq;

nostraq; religionis ignavis improbari, qui natura legem secuti iudicant melius esse pati, quam facere iniuriam: propterea quod illud iuste fiat, hoc sine iniustitia fieri non possit, ut Aristoteles etiam docet lib. v. Ethicorum. illud quoque patientia tribuatur, videlicet insigni virtuti: hoc autem vitio contrario. Nec verò quisquam putare debet aliud sibi esse concessum, quam ut (si evitari non possit) vim vi repellat: idq; defendendi, non ledendi aut ulciscendi causa. Animus enim nocendi iniustum facit: legitima vindicta magistratibus, qui sunt legum ministri, diuinitus commissa est; adempta verò privatis, quibus nullum est vindicandi ius datum. Contraria vindicatione est crudelitas, & nimia lenitas. Nam in omni animadversione & castigatione cauendum est, ne vel maior pœna quam culpa sit, vel bonis noceatur, dum parcitur malis.

De gratia.

CAP. XXIII.

GRATIA, quæ vulgò gratitudo dicitur, est, inquit Cicero, quæ memoria & remuneratione officiorum & honoris & amicitiarum observantiam teneat. Cōmodius fortasse definitur Gratia, virtus, in qua beneficii accepti memoria, & remunerandi voluntas continetur: propterea quod hæc virtus in accipiendo magis quam in dando versetur. Nam dare, liberalitatis est: accipere libenter, & referre velle, gratiæ proprium est. Illius est, dati beneficii obliuisci, nec ullam remunerationē sperare: huius verò, meminisse, & cum datur oportunitas: etiam cum fœnore, si possit, ac bene collocari beneficium intelligat, & quidem promptè velle reddere, & nihilominus perpetuam retinere beneficii memoriam. Utrobique videndum est, ut quod vel datur vel redditur, utile sit & commodum ei cui datur vel redditur, & iuste partum, ne de alieno liberales & gratissimi.

Melius est accipere quam inferre iniuriam.

Vim vi repellere licet defendendi, non ledendi aut ulciscendi, causa.

Contraria vindicationi.  
Cic. lib. i. De officiis.

Gratia est grati animi fidelis memoria: ten, Voluntas referendæ gratiæ ac beneficii memor.

Cui & quid dandum.

Contrariū gra-  
tiae vitium.

*simus. Contrarium gratiae vitium vulgò dicitur ingra-  
tudo: quæ definiri potest, obliuio accepti benefici:  
vel coacta, vel nulla, vel (quod omnium pessimum est)  
mala relata gratiae: quæ maxima iniustitia est; quæ ni-  
hil omnibus odiosius esse potest.*

De misericordia. CAP. XXIII.

Consuperio-  
ribus virtuti-  
bus addenda  
sunt. Misericor-  
dia.

Misericordia  
hoc loco vir-  
tutis, non agra-  
tudo intelli-  
genda est.

Quid mise-  
ricordia.

Misericordia  
est diuina Vir-  
tus.

Beati miseri-  
cordes.  
Sex officia  
misericordiae.

COMMODE videtur his adiungenda misericor-  
dia, gratissima Deo virtus. *Vt enim debetur amor, ve-  
ritas & fides omnibus, pietas paucis, vindictio mala  
inferentibus, gratia benemeritis: ita misericordia im-  
merito mala patientibus. Misericordiam autem hic  
non agritudinem voco, aut, vt Seneca, vitium animo-  
rum nimis miseria facientium: sed virtutem, per quam  
animus miseries & calamitatibus alterius mouetur ad  
subueniendum afflicto. Misericordia definitur à Ci-  
cerone, agritudo ex alterius rebus aduersis: à Seneca in  
libris De clementia, agritudo animi, aut tristitia ex  
alienis malis concepta, quæ accidere immerentibus cre-  
dit. Sed hanc ille vitium esse probare conatur his ver-  
bis, Ergo non miserebitur sapiēs, sed succurret, sed pro-  
derit, in commune auxilium natus, ac publicum bonū,  
ex quo dabit cuique partē. Sed nos, vt dictum est, vir-  
tutem misericordiam intelligimus, ad quam Christus  
nos exhortatur exemplo patris celestis, & suo, Luc. vi.  
quæ nullis vnquam laudibus satis extolli potest: & cer-  
te sacris litteris nobis magnificè commendatur. Quis  
verò mortalium, Dei patris & Christi Domini nostri  
infinitam misericordiam vel mente concipere, nedum  
verbis explicare possit? Hæc virtus hominem ad beati-  
tudinem prouehit. Christus enim beatos vocat miseri-  
cordes, quod hi misericordiam sint consecuturi: Mat-  
thæi v. i x. x i i. apud quem capite xxv. sex officia mi-  
sericordiae breuiter indicantur.*

De



Deliberalitate: & huic contrariis vitiis, avaritia  
& effusione.

CAP. XXV.

LIBERALITATEM Cicero in 1. De officiis li-  
bro, alteram iustitiæ speciem facit, quam eandem & Liberalitas iu-  
stitiæ species.  
beneficentiam & benignitatem appellat: qua non in-  
commode videtur hoc loco superioribus iustitiæ parti-  
bus aducienda. Quamvis enim hac virtus in dando,  
non ut ille in reddendo quod debetur (id quod proprium Cur ad iusti-  
tiam referenda  
liberalitas.  
esse iustitiæ videtur) posita sit: quia tamen sese ad alios,  
ut iustitia, diffundit, & hominum utilitatem spectat;  
inter iustitiæ partes referre licebit. Definiri potest libe- Quid liberali-  
tas.  
ralitas, benefica voluntas sine cuiusquam iniuria bene-  
ficio dignis gratificandi: seu, ut brevissimè definiatur,  
liberalis de aliquo bene merendi voluntas. Versatur hac,  
ut Cicero ait, in usu pecuniæ, quam honestè, atque ut  
oportet, animo liberali ac pio largiri, proprium est li-  
beralitatis. Requiritur enim primum omnium libera-  
dantis voluntas, ne opinione utilitatis animus à bene- Cur dandum  
sit.  
ficentia retrahatur. Dandum igitur est, quia scimus  
id gratum esse Deo nullam expectantes remuneratio-  
nem. Dandum autem prudenter, cum res & locus po- Quomodo,  
quando, quid  
& quibus  
dandum.  
stulabit, ei in quem bene collocatur beneficium, qui non  
ad perniciem vel suam vel aliorum sit abusurus, pro-  
bo, benewolo, benemerito, & ut quisque coniunctissimus  
est, ratione cognationis; affinitatis, amicitia, civitatis,  
nationis, denique humana societatis. Hunc enim ordi-  
nem prescribit natura; ut post Deum & patriam pri-  
mi sint coniuges, deinde liberi, parètes, cognati, affines,  
amici, ciues, conterranei, homines alij. Cicero lib. 1. De  
officiis septem hos gradus constituit; 1. patriam & pa-  
rentes: 2. liberos ac totam domum: 3. propinquos &  
affines: 4. amicos & familiares: 5. ciues: 6. qui sunt  
eiusdem nationis, gentis, & linguae: 7. omnes homines.

D

Et

Gradus com-  
iunctionis.

Et de nostro dandū, non de alieno, nam liberalitas nocere nemini debet, prodesse autem beneficio dignus: & dandum pro dignitate cuiusq., ac merito, & indigenti magis quam diuiti: non quantum fortasse velis, sed quantum possis; ne liberalitas in effusionis vitium acciperet. & tu deinde incipias egere, atq., amicis tuis esse molestus: & voluptatē, quae viriutis comes est, amittas contraq., dolore viuisitatis comitem accipias. Et quāuis diuites liberalitatis munus exequi possint facilius, tenuiores tamē etiam liberales esse possunt: quorum benefica magis voluntas, quā ipsum beneficium spectari debet. Cicero libro 11. De officiis duo liberalitatis genera constituit: vnum, quo quis egenti pecunia subuenit: alterum, quo opera aut cōsilio inuat, quae virtus propriē beneficentia dici potest: & certe liberalitati contrariissima est: cui contraria est maleficientia, & beneficentia omissio, nam virtus hac posita est inter malam & nullam operam, seu inter officiendi ac malefaciendi, & omittendi studium: ut rectē definiatur beneficentia, mediocritas in tribuenda aliis opera. Huc referatur & hospitalitas, quae est benignitas in sponte recipiendis hospitibus. Cui contraria est inhospitalitas, itemq., inanis ostentatio hospitalitatis. Liberalitati contraria sunt vitia duo, auaritia atq., illiberalitas. & effusio atque luxuria: quarum illa defectus liberalitatis est, haec verò exuperantia inter quae vitia liberalitas media est. Auaritia definitur nimium pecuniarum studium, quibus ad suum commodum anxie congestis auari nec sibi nec aliis profunt: quae rectē appellatur in sacris litteris omnium malorum radix, ex qua furta, rapinae, latrocinia, fraudes, proditorum, dissidia, bella fructuantur: &, quid non mortalia pectora cogis auri sacra fames? Inexplebilis est illa pecuniae cupiditas, & dirus

Tenuiores  
etiā possunt  
esse liberales.

Beneficentia.

Hospitalitas.

Liberalitati  
contraria vi-  
tia duo.

Quid auaritia.

Auaritia ra-  
dix omnium  
malorum.

dirus hydrops: cui, quo plus sunt pota, plus siriuntur aque. Nam crescit amor nummi, quantum ipsa pecunia crescit. Miserrima est omnino hac seruitus, & abiectionissima, semper anxia, semper timida, nunquam tranquilla, nunquam suo contenta. Avaritia vitio contra-

effusio, quam prodigalitatem appellant: itemq; beneficentia in quosuis, negligens suorum: quod ipsum quoque vitium est, & liberalitati repugnat. ut enim avarus in accipiendo & retinendo nimius est: ita contra prodigus in largiendo modum transit. Definiri igitur effusio potest, immoderata, ac nullam iustam ob causam facta largitio. Est hac quidem vitiosa, sed facilius ad liberalitatem renocari potest, quam avaritia: quod illa solum alius prodesse, hac nulli, ac ne ipsi quidem possidenti. Huic saepe iuuenilis aetas obnoxia est, illi senilis. Parsimonia item, ut liberalitas, usdem est interiecta vitis, effusioni & sordibus. Hinc parcus seu frugalis, nec prodigus nec tenax dicitur. Parsimonia est diligens eorum quae parta sunt, custodia, ac moderatio sumptuum. Ex quo dictum est, Magnum vectigal parsimonia.

Avaritiae contraria effusio.

Quid effusio.

Parsimonia quoque mediocritas est inter effusionem & sordes. Quid parsimonia.

De magnificentia.

CAP. XXVI.

LIBERALITATI subiicienda videtur magnificentia: quod nihil aliud sit, quam liberalitas quadam amplior, quae definitur à Pontano mediocritas in sumptibus, & quidem magnis, cum delectu faciendis: & à Cicerone, rerum magnarum & excelsarum cum animi ampla quadam & splendida propositione agitatio atq; administratio: hinc magnificus, splendidus, & qui magna facit. Hec virtus non est pauperum, qui magna & admiranda prestare non possunt: sed diuitum, velut regum & principum: quibus tamen cauendum est, ne inanis gloriae cupiditate magis quam virtute impulsus, nec

Quid magnificentia.

Magnificentia diuitum est, non pauperum.

D 2.

Dei

Contraria ma-  
gnificentiæ  
virtus.

Splendor.

Dei voluntatem, nec hominum utilitatem præcipiè respicientes, extra modum sumptu & magnificentia prodeant, nam & huic virtuti vitia duo sunt. unum, quod *μικροψυχία*, indecora illiberalitas dicitur, angustianimi ac sordida magnificentia ostentatio, quod avaritia cognatum est: alterum, *καταφροσύνη*, id est, insolens atque immoderata & intempestiva magnificentia ac luxus, quæ respondet effusioni. Ad hanc virtutem Peritanius referendum etiam putat moderatum rei familiaris splendorem: & magnificentiam quidem versari in præclaris ædificiis, præsertim publicis, in spectaculis, in muneribus. Splendorem vero in privata suppellectilis ornatu, in rerum diversarum apparatu, eumque definiri posse, mediocritatem inter luxum & sordes: ut ea sit suppellex, quæ splendidum virum deceat: ea sint ornamenta, is apparatus, is cultus atque ornatu corporis, ut splendidus verè dici possit, non luxuriosus, neque sordidus, pro fortuna & dignitate, pro loco & tempore honestè vestitus, &c. Servetur etiam splendor in domus laxitate, in conviviolorum epulis: ne vel nimio luxu, vel parum splendida mensa conviator modum transeat.

De amicitia.

CAP. XXVII.

Arist. lib. 8. &  
9 Ethic. ad  
Nicom.

Quid amicitia.

INTER iustitia partes amicitia quoque numeranda est: sine qua nulla hominum societas conservari potest: de qua cum Aristoteles, & post eum Cicero copiose differuerint; nos hinc ea breviter, quæ maximè necessaria videbuntur, perstringemus. Est igitur, ut ait Cicero libro primo De legibus, omnis amicitia vis in voluntatum, studiorum, sententiarumque consensione. & in Lelio: Nihil aliud est, inquit, amicitia, nisi omnium diuinarum humanarumque rerum cum benevolentia & caritate summa consensio: quam ait virtutum adiutricem à natura datam, non vitiorum comitem; eamque ex

AMORIS

amore nominatam, & ab ipsa natura ortam: ut naturale intelligamus amorem, quo homines inter sese coniunguntur. Et quoniam, (ut etiam ex litteris sacris, quibus natura lex in hac re comprobata est, cognovimus) homo homini benevolentiam & amorem debet, cum & reliquæ animantes in suo quaque genere amicitiam colere, aut certè benevolentiam conservare videantur: dubitari non potest, quin amicitia, quam virtus conciliavit mutue benevolentia conservatricem, ad iustitiam sit referenda, quæ & ad vsum vitæ maxime necessaria est, & ipsam continet tempus. Quid ab amicitia distet benevolentia, docet Aristoteles. benevolentia posse nos etiam cum iis esse coniunctos, quos ignoramus eamque occultam esse posse, amicitiam non posse: principium autem & fontem amicitia esse benevolentiam. Ex cuius sententia sic definiri potest amicitia, ut sit aperta ac mutua proborum hominum inter se benevolentia consilio suscepta. Amicitia duplex est: una perfecta, vera, & sincera, atque ex virtute profecta, quæ est inter bonos: siue sanguinis coniunctione, siue voluntatum ac studiorum consensione conciliatos: altera imperfecta, ficta & vulgaris. quæ duplex est: aut enim utilitate conciliatur, aut voluptate. Finis igitur amicitie vera est honestum: ficta utile vel iucundum. Voluptas pueros & adolescentes coniungit, utilitas mercatores & his similes: at virtus bonos viros, qui verè sunt amici, & permanent etiam post mortem; illi verò ad tempus amant. Vera igitur amicitia quoniam ex virtute nascitur, inter improbos esse non potest: velut inter fures, inter latrones, pradones, proditores, coniuratos; quamvis interdum arctissimo vinculo coniuncti videantur. nec satis etiam firma est inter eos, qui nec moribus, nec studio, nec voluntate, nec opinionibus, nec

Vnde Amicitia.

Cur ad iustitiam referenda sit amicitia.

Inter amicitiam & benevolentiam quid intersit. Arist. lib. 8 cap. 1 & lib. 9. cap. 5.

Amicitia definitio.

Amicitia divisio. Vera amicitia mutua est & constans: ficta verò nec mutua nec diuturna est.

Expetuntur honesta, utilia, iucunda.

Inter quos vera sit amicitia.

Assentatio  
veram amici-  
tiā obscurat.

Vera amicitia  
an inter plu-  
res esse possit.

Pauca amico-  
rum paria.

gradus socie-  
tatis.

Non subito  
fit amicitia  
perfecta.

opibus (quanquam hæ non semper obstat amicitia, sicuti nec ætas) nec dignitate sunt pares. Inter principes & eorum familiares omnem fere amicitiam extinguit assentatio quorundam aulicorum, omnia principum & dicta & facta, quamvis ridicula, approbantium, dum questum, honorem & favorem captant. Firmior ergo amicitia, magisq; sincera est inter pares, animorum consensione coniunctos, idem & volentes & nolentes, quos idem quoque studium delectat. Sed hæc amicitia inter plures esse non potest: paucorum est arctissima illa necessitudo: qualem fuisse legimus inter eos, quorum vix quatuor aut quinque paria numerantur: & fortasse difficile esset inuenire plura. quos certè constat fuisse coniunctissimos, de quibus verè dici possit, Amicus alter idem, quorum vnus duorum sit animus. Quamvis autem boni viri sæpe multos habeant amicos, & his bene velint, à quibus ipsi quoque amantur ex animo: tamen summam illam animorum ac voluntatum studio-rumq; consensionem cum vno tantum atque altero, aut certè cum per paucis communicatam habent. Et quoniam ex amore amicitia oritur, gradus autem amoris sunt diuersi; plures etiam amicitia gradus constituendi sunt, de quibus capite xxv. dictum est. Sed omnes omnium amicitias, ipsorum etiam parentum & liberorum, quæ maxima esse debet, longè interdum vera illa amicitia superat, quæ perrara est. qualis fuit amor inter illa pauca & toties decantata verorum amicorum paria, velut inter Pyladem & Orestem, Damonem & Pythiam: de quibus vide Valerium Maximum libro 1111. cap. vii. Hæc autem vera amicitia non subito fit perfecta, sed suos habet progressus: donec longo tandem amoris intimo pectore insidentis usu, & summa familiaritate, atque amabili consuetudine confirme-  
tur,

tur. Quare diligendum esse aiunt, quem velis diligere: Non temerè  
admonentes eo dicto, ne temerè sine delectu ac facile contrahenda  
quēvis in amicitia recipiamus, quē eadē postea temeri- amicitia.  
tate leui de caussa relinquamus: ne magis impetu quo-  
dā amoris, quam cōsilio, adducti ad amicitia fuisse vi-  
deamur. Id vitium ut euitetur, ad incundā amicitiam  
tardi simus, ad retinendam constantes. Cauenda igitur  
ea sunt omnia, quę solent amicitias labefactare: ut con-  
tentiones, acerba iurgia, contemptus, morositas, ira, in-  
uidia, amulatio, &c. Sed admonere sine acerbitate, &  
admoneri, proprium est amicitia. Neque enim putan-  
dum est, eos usquam inter homines reperiri amicos,  
qui, quamuis eadem plerumque sit & voluntatum &  
studiorum consensio, non interdum admonendi videan-  
tur, siquid peccauerint; sitq; his etiam negandum, si  
quid ab amicis petant, quod honestū ac piū pręstari non  
possit. Honestā enim ab amicis petenda sunt, & amico-  
rum caussa honesta facienda. Potius autem quā res  
turpes rogati faciamus, amicitiam, quę iam desinit es-  
se vera, paulatim vsus remissione lenari patiemur, atq;  
evanescere. Nam quę subito abrumpitur, nunquā ve-  
ra fuisse videtur. Sed hæc tamen ipsa disiunctio, quan-  
tum fieri potest, cauenda est. nec enim ita amādum est,  
tāquam aliquando sis osurus. Veram amicitiam in-  
timus amor commendat, is quem sacra littera compro-  
bant: quibus iubemur non minūs proximum, quā nos  
ipsos amare. Sit igitur equa vtriusq; animi beneuolen-  
tia. nec enim requirendum est, ut alter plūs alterum  
quā seipsum amet. Ac de amicitia quidem hæte-  
nus. Huic repugnat inimicitia, grauissima generis hu-  
mani pestis, & quę beluis deteriores homines reddat,  
omniq; humanitate exuat. Homo enim homini ob na-  
turam communem, & eandem corporis erecti si-  
militudinem, & ra-

Quę labefa-  
cēt amicitias

Admonere &  
admoneri  
proprium est  
amicitiæ.

Honestā ab  
amicis peten-  
da sunt, & a-  
mici causa  
honestā fa-  
cienda.

Non ita amā-  
dum, tāquam  
aliquando sis  
osurus.

Amicitia con-  
traria.



& rationem, atq; orationem charus esse debet, cū be-  
 stias eiusdem generis inter se videat esse coniunctas. *Vi*  
 autem amicitia mites & gratos, ita inimicitia feros &  
 odiosos homines facit: utq; illa plurimū delectat ani-  
 mos, ita hæc plurimū & sibi & aliis est molesta, ac  
 plurimorum causa malorum: hinc cades, hinc parrici-  
 dia, hinc omnis crudelitas nascitur. quem enim qui  
 odit, extinctum cupit, & sese ipse miser ulciscendi, cu-  
 piditate & nocendi studio graviter affligit, occultum  
 quatiente animo tortore flagellum, ut Iuuenalis ait:  
 cū luteris sacris proditum sit, homicidium esse, quis-  
 quis fratrem suum oderit. Quamobrem omnis inimi-  
 citia fugienda est: cavendumq; diligēter, ne cui demus  
 odij causam: & si data sit, omnibus modis efficiendum,  
 ut reconcilietur nobis; qui fuerat alienatus. Quod si  
 quem fortē, qui videatur iniuriam nobis fecisse, oderi-  
 mus: tamen meminisse debemus, nos esse Christianos, ut  
 ignoscamus, iramq; & odium deponamus, eandē à Deo  
 venia facilitatem expectantes, quam toties sumus ex-  
 perti. Nulla autem granior est inimicitia, quā bel-  
 lum: nulla maior animorum alienatio atq; disjunctio,  
 nulla perniciosior, nulla immanior, & qua plures acer-  
 bioribus odiis in mutuam perniciem ruant, & ita fu-  
 renter interdum incitentur, ut non ciues modò, sed ipsi  
 etiam inter se fratres & propinqui committantur, de  
 vita decertantes, ignari cognationis, furore communi  
 inflammati; omnemq; iam humanitatem exuentes, be-  
 stiarum feritatem induant. Et quamvis ipsum per se  
 bellum nec bonum propriè, nec malum dici debeat, cū  
 iustè possit administrari, sitq; necessario interdū geren-  
 dum, præsertim si iustis de causis ita suscipiatur, ut sit  
 iustitiæ satellites, referaturq; ad eam partem quæ vindi-  
 catio dicitur; tamen cū virinſque hostis æquè iustum  
 bellum

Inimicitia est  
 multorū ma-  
 lorum causa.

Homicida est,  
 quisquis pro-  
 ximum suum  
 odit.

Offensæ re-  
 mittere sunt.

De bello.

Bellum per se  
 nec bonum  
 nec malum.



bellum esse nequeat; non videtur ullum geri posse bellū, cui non altera ex parte cōiuncta sit iniustitia. Quamobrem non temerè suscipiendum est Principibus, quibus belli gerendi ius est: nec nisi iusta ac necessaria de causa: veluti si res iniquè nobis ablata repetantur, si iniuria vindicanda, aut vis arcenda sit; prius indicatur: idq; ad eum finem referatur, ut nihil aliud bello quam pax quæ sita fuisse videatur. cavendumq; maxime, quantum fieri potest, ne læniatur in innocentes, & imbellem turbam ac supplices. ne ferro & igni vastentur omnia: ne plus damni detur amicis quam hostibus. ne spontè ac cupidè bellum suscipiatur, quod sine crudelitate geri non potest. Sunt & alia contraria amicitiae vitia ut morositas, & assentatio, corruptela amicitiae, liberali ingenio indigna, damnoſa & periculosa parum cautis & gloriosis & simplicibus; quia occulta inimicitia est, quæ blanda specie ledit, serviliter præsentem laudans, & absentem iniquè rodens, atque irridēs: quam Terentius eleganter & festinè depingit in Eunuchō Actus 11. Scena 11. Vtriq; æquè misera est assentatio, & ei qui omnia ad voluptatem alterius loquitur, & ei qui turpem hanc assentatoris blanditiā admittit: nisi quod ille vilissimus servus est, hic stupidus, qui se ludibriū esse non intelligat. Ac de iniustitia & partibus eius dictum satis.

Non temerè bellum suscipiendum.

Quibus de causis, & quæ ad finem bellum gerendum sit.

Alia contraria amicitiae vitia, ut morositas, & assentatio.

De iniustitia. CAP. XXVIII.

INIUSTITIÆ contraria est iniustitia, quæ singulis quidem iustitiæ partibus addita, nunc paulò copiosius explicabitur. Ut iustitia suum cuique tribuit; ita sibi iniustitia, quod aliis debetur, iniquè sumit. atq; ut supra iustitiam distributivam, ita licebit & iniustitiam partiri: primùm in communem & privatam, & hanc in distribuentem & commutantem: deinde, ut iustitia

Iniustitia cōmunis & privata.

partes enumeramus religionem, pietatem, & reli-  
 quas: ita partes iniustitiæ repetantur, superstitio, im-  
 pietas, & cetera, quas breviter perstrinximus: nunc tan-  
 tum iniustitia communis & privata partes reliquas  
 indicabimus. Communis iniustitia duas formas com-  
 plectitur: unam, qua legibus; alteram, qua aequitati re-  
 pugnat. Leges violantur, cum vel avaritia, vel homi-  
 num odio, vel aliam ob causam bonæ leges & instituta  
 mutantur, aut abrogantur, aut falsis interpretationi-  
 bus iniuste contorquentur, & labefactantur. Violatur  
 æquitas, cum legis verba numerantur, & urgentur ma-  
 litiose, sed mens & ipsa anima legis, æquitas negligi-  
 tur; & locum obtinet proverbiū, Summum ius summa  
 iniuria: ut si Iudices, vel Iurisconsulti muneribus  
 corrupti sint, aut affectibus amoris odijque perturbati.  
 Tractantur hæc etiam à Rhetoribus sub capite De sta-  
 tu scripti & voluntatis. Privata iniustitia partes dua  
 sunt: quibus item duæ possent opponi, iniuste distri-  
 buens, & iniuste commutans. Iniquè distribuens, par-  
 cit malis, nec defendit bonos: illos euehit, hos deprimi-  
 t: assentatores & improbos apertis & bonis præfert: plu-  
 ris nobilitatem & opes, quam virtutem & sapientiam  
 facit. Iniquè commutans non reddit quod debetur, frau-  
 dat eos cum quibus commercium est in emendo, ven-  
 dendo, aliisque rebus contrahendis, maximè in deposito  
 & societate: fingit possessionum titulos: mala fide ac-  
 quisita, vsu longo capit: communia & publica diminuerè  
 conatur, & ex his aliquid sibi adycere: denique suum  
 cuique non relinquit. Omnium autem harum iniustitiarum  
 partium mater est iniuria, quæ fit vel reipub. vel sin-  
 gulis hominibus, aut leges violando, aut iniquè sine dis-  
 tribuendo sine commutando.

Iniustitia cõ-  
 munis leges  
 & æquitatem  
 violat  
 Quomodo le-  
 ges violentur.

Quomodo æ-  
 quitas viole-  
 tur.

Privata iusti-  
 tia iniuste  
 distribuit &  
 commutat.  
 Iniquè distri-  
 buens.

Iniquè com-  
 mutat.

Omnis iniu-  
 stitiæ mater  
 est iniuria

De fortitudine. CAP. XXIX.

Dictum est de prudentia & iustitia: sequitur ut de fortitudine sit dicendum. Definiri fortitudo potest, habitus, seu animi affectio, quæ \* considerata pericula suscipit, & labores, & quæcunque accidunt incommoda perferat, timorem iramq; reprimens. Incommoda autem sunt vel corporis, ut morbus, egestas, labor: vel animi, ut ignominia, iniuria, contumelia. A Cicerone definitur, animi affectio in adeundo periculo, & in labore ac dolore patiens. cuius munera duo maxima vult esse, mortis dolorisq; contemptionem: quod fortitudo omnis aut in dolore, aut in labore, aut in periculo rebusq; formidolosis subeundis & repellendis spectetur. Stoici definiunt fortitudinem, virtutem propugnantem pro aequitate. Chrysippus affectionem animi in patiendo ac perferendo, summa legi parentem sine timore. Nasci fortitudo videtur partim à voluntate, partim ab irascentis animi vi, quod huius nonnullam commotionem fortitudinis actio requirat: quæ tamen ipsa voluntaria est; sed imperare voluntas, parere verò impotus ille voluntati atq; consilio debet. Versatur autem fortitudo in cohibendis rebus formidolosis, ac timorem ob futurum mali alicuius, atq; periculi expectationem incutientibus, & in ira compeſcenda tanquam in materia qua exercetur siue bellicis in rebus atq; urbanis, siue domesticis difficultatibus; ut exoptatum aliquando finem summum illud bonum consequatur. Virtus hæc item ut cetera, mediocritas est inter nimium & parum, nempe inter timiditatem & confidentiam. quæ vitia quomodo vitari possint, ostendit Horatius hisce carminibus:

Rebus angustis animosus atque  
Fortis appare: sapienter idem  
Contrahes vento nimium secundo  
Turgida vela.

Quid fortitudo. Considera. Dicitur enim quid, ubi, quando, quomodo sit metiendum vel audiendum; nam qui nihil timet, is autemens est, aut stupidus. Variæ definitiones fortitudinis.

Vnde fortitudo nascatur.

Materia fortitudinis.

Finis fortitudinis est summum bonum. Fortitudo mediocritas est inter timiditatem & confidentiam.

Duplex fortitudinis officium. Summi boni, id est, Dei causa fieri debet omnia. Prudentia fortitudinis necessaria.

Quinque fortitudinis species non perfectae, quae venientibus in aliis aliis quam honesti causa, nec ira, ut ratio monet, solentur.

Fortitudo vel in susceptione periculorum, vel in perpeffione doloris versatur: hinc quatuor fortitudinis species.

Duplex est fortitudinis officium, subire & perferre pericula, & res aduersas eo animo, ut id placeat Deo, eiusque praeceptis pareatur: cuius causa fieri debent omnia. Ac subire quidem & perferre non solum animose & fortiter, verum etiam prudenter, viri fortis est: neque enim inconsiderate ac temere, nulloque consilio quicquam suscipere debet, ne magis impetu quam recta ratione moueri videatur. Vera ac perfecta, aliisque virtutibus exornata fortitudo, Aristoteles alias quinque non perfectas formas, tamen ut cognatas addidit libro 111. ad Nicomachum: primam, civium pro patria pugnantium: secundam, milium qui ex rei militaris disciplina pericula adunt: tertiam, experientia confidentium: quartam, eorum qui vincendi spectantur: quintam, ex fortuna pendentium, nec satis pericula considerantium, quos ignoquantia fortes reddit. Non minus autem res aduersas aequo animo atque constanti perferre, tolerare iniuriam, miseriam, erumnam, omnia fortunae & corporis incommoda: graues animorum impetus, ut iram, metum, aegritudinem, amorem, voluptatem, ferociam, superbiam cohibere fortitudini est; quam subire pericula, mortem contemnere, atque adeo (si ita placere Deo constiterit) non illibenter oppetere. Et quoniam fortitudo vel in susceptione periculorum vel in doloris ac malorum perpeffione versatur, huic virtuti quatuor formae subiacunt, Fidentia & magnanimitas, quae ad susceptionem: Patientia & perseuerantia, quae ad perpeffionem referuntur: priores duae ad primum quasi fortitudinis motum, posteriores ad malorum tolerantiam atque firmitatem & constantiam pertinent. Ex his omnibus perfecta fortitudo constat.

De

De fidentia & magnanimitate.

CAP. XXX.

FIDENTIA, inquit Cicero, est firma animi confisio: seu per quam magnis & honestis in rebus multum ipse animus in se fiducia, certa cū spe, collocavit. Huic audacia quidem cognata videtur, & tamē vitium est: cū non consilio & iudicio, ut fortitudo, cui perpetua comes est prudentia, sed impetu ac temeritate feratur: non satis expendens priusquam adeat pericula, possit ne superare: & ut possit, honestūne sit ea subire. Sed fidentia non nisi diligenter antè considerata pericula fortiter, magnāq; fiducia suscipit. non enim qui nimis audent, sed qui moderatam animi vim, quam ratio regat, ac virtuti congruentem faciat, adhibent, fortes sunt indicandi. Fidentia contraria est Dissidentia, deiecta mentis consternatio; eadem quæ est desperatio, quam supra sub capite De desiderio & spe, breuiter perstrinximus. Magnanimitas est excelsa atque inuicti animi magnitudo, & robur atque firmitas, ad res magnas gerendas. Hæc fidentiam fulcit, adiutrixq; cognatam cōfirmat. Excelsum intellige animum propter virtutum magnitudinem magnis honoribus dignum, apertum ac simplicem, qui nihil simulatum habet: non autem inflatum, non arrogantem, sed grauem, modestum, & qui superbiam deprimat, verè magnum, iniuriarum memorem, clementem, æterna spectantem, humana despicientem, ad dandum quàm ad accipiendum paratiorem: verè laudis quàm utilitatis studiosiorem. Nam virtus hæc maximè spectatur & in rerum magnarum, quæ cupidum vulgus admirat, contemptione: & in refrenandis perturbationibus; ut inuicto animo resistatur omni ambitioni, avaritiæ, libidini; ut aduersa omnia constanter perferantur. Cicero De officiis libro

Quid fidentia.

Audacia quid à Fidentia differat.

Contraria Fidentia Dissidentia.

Quid Magnanimitas.

Quid animus excelsus.

Magnitudinis  
animi duas  
partes Cicero  
posuit.

Contraria ma-  
gnanimitati  
vitia duo.

Nimia animi  
elatio.

Animi abie-  
ctio.

Bona existi-  
mationis stu-  
dium.  
Honoris stu-  
dium mode-  
ratum, quia  
gloria virtutis  
comest, &  
virtute niti-  
tur, non ad-  
modum re-  
prehendendū  
videtur.

libro primo tradit, magnitudinis animi duas esse par-  
tes: quarum una in fortuna prospera cernitur, altera in  
adversa: quod magnanimum neque res adversæ fran-  
gere, neque secunda insolentem facere possint. Contra-  
ria magnanimitati vitia duo sunt, *χρύσις*, elatio ni-  
mia, seu inflatus ac tumens animus: & *μωχία*, ni-  
mia animi demissio: &que abiectio. Priori vitio conti-  
neretur insolenter ac inepte sese efferens iactatio; stulte-  
q; turgescens animus: qualis ille *Thrasionis* apud *Te-  
rentium*, hominis vani & insulsi, nimioq; sui amore  
caci, quo nihil magis ridiculum fingi potest, quem ne-  
mo bonus ac modestus ferre possit. Hoc genus hominum  
omnibus, præterquam parasitis, est odiosum. Huic vi-  
tio contrarium est illud alterum, quod animi abiectio  
dicitur, vulgo *Pygmalanimitas*, id est, turpis & indecora  
animi demissio, laborem instantem fugientis, & ma-  
gnus ac præclaris in rebus turpiter languentis. qualis  
fuit hominum effeminatorum: ut *Sardanapali*, qui ne  
resistens quidem, pulsus regno, præsumpta desperatio-  
ne sibi manus attulit: ut *Heliogabali*, ut aliorum qui  
voluptatibus enervati vitam ignavam turpemq; vixe-  
runt. Superioribus adiciatur bona estimationis stu-  
dium; cuius item duo vitia sunt: unum, ambitio; alte-  
rum, fame estimationisq; despicientia. Sed an mo-  
deratum honoris studium, quod est inter ambitionem  
& honoris contemptum, ut *Aristoteles* arbitratur, ha-  
benda sit virtus, cum præsertim ab elatiore animo pro-  
fectum videatur, affirmare non audeo.

De patientia & perseverantia. CAP. XXXI.

PATIENTIAM Cicero definit, rerum arduarum

Quid patientia. ac difficilem voluntariam ac diuturnam honestatis  
aut utilitatis causa peressionem: hoc est, firmam &  
constantem rerum humanarum tolerantiam, qua quid-  
quid

quid aduersi nobis acciderit, a quo animo perferimus.

Voluntarium ille vocat, quod hac virtus, ut & magnanimitas, in voluntate posita sit, quam irascens illa animi facultas adiuuat. Quod additur ab illò, Honesta-

Cur voluntaria perpassio dicatur.

caussa: finem huius virtutis, qui est aliarum etiam omnium, ostendit. Nam si labores non ob virtutem, sed

Finis virtutis.

vel odij vel opum, vel honorum causa perferatur, eam ille Duriciem immanem appellat, quæ patientiam imi-

Finis falsus.

tatur. Nobis verò semper ille finis est constituendus, ut actio nostra Deo placeat, cui grata virtus est. Officiū

Finis verus omnium virtutum.

patientiae duplex est: vnum, in perferendis iniuriis acceptis: alterum, in omnibus fortuna casibus a quo animo

Officiū patientiæ.

sustinendis. Vincit, qui patitur iniuriā: quod & se ipse & aduersarium superet, cum affectum reprimat: vincitur vero, qui facit, quoniam affectibus succumbit, &

Cur vincat qui patitur: & vincatur, qui facit iniuriā.

ab ira atque cupiditate superatur. ille iustus, hic iniustus est. Patientis igitur est, & iniuriā negligendo

Patientis officia.

superare, eiusq; vindictam non sibi sumere, sed Deo (cuius est vltimi peccata) committere: & omnem fortunam

a quo animo ferre, tolerare paupertatem, exilium, orbitatem, luctum, contumeliā, cōtemptum, seruitutem,

morbos graues, cecitatem, & si quid etiam miseriū est: nunquam desperare, nunquam calamitatibus frangi.

Cum enim miseriis & arumnis plena sit vita humana, quis non interdum (ut impij quidam, parumq; fortes fecerunt) abrumpere eam sibi mallet, ac semel omnibus

desungi malis, quàm semper arumnosam trahere vitā; nisi patientiæ robore munitus, ad omnia perferenda pa-

rarum atque inuictum animum fortiter opponeret, & quancunque vitam duce virtute bene degendam esse

Patientiæ beneficio miseria omnes & arumnae superantur.

duceret? Falso quidam fortes esse putauerunt eos, qui mortem sibi ipsi rebus desperatis consciscerēt, fugientes

vel inopiam, vel ignominiam, vel captiuitatem, vel ser-

Non esse fortes qui sibi mortem coalescunt.

uitatem,



nitutem, vel amorem non ferentes, vel aliud quodlibet malum evitantes: quos Aristoteles rectius iudicavit esse molles & effeminatos: cum sit constantis & fortis viri, quamcunque fortunam æquo animo perferre: timidi vero & ignavi, dissilire & frangi laboribus, ac turpiter succumbere. Patientia contrarium vitium impatiencia dici potest, quæ est mollities animi, id est, honesti laboris & doloris tolerandi fuga: cuius naturam non difficile est ex his, quæ iam dicta sunt, intelligere. Sunt impatientes alij qui labores, alij qui dolores metuunt, atque impatibiles putant, quos patientia tolerandis esse docet. Illi succumbunt laboribus, hi perturbationibus & curis anguntur, & agrè iniuriam, ac moleste ferunt. Sunt etiam qui fortunam prosperam non satis moderatè ferre possunt, quorum animi rerum secundarum insolentia nimis efferuntur; aquè atque illi vituperandi: quod non minus turpe sit animo deijci, quam inaniter exultare. Perseverantia definitur à Cicerone, stabilis & perpetua in ratione bene considerata permansio. Hæc patientiæ fida comes est, & adiutrix in rebus aduersis perferendis, & in secundis æquabilitate moderandis, omnibusq; animi affectionibus comprimendis, ac rationis iudicio subijciendis. Nam fortis animus, ut ille ait, sine constantia & æquabilitate, nihil est. Perseverantia contrarium vitium est inconstantia, seu leuitas, & instabilis rerum humanarum gubernatio: quæ vel propter mollitiem animi temerè difficultatibus cedit, nec perferre dolores potest: vel propter pertinaciam in sententia, quam ratio mutare iubet, arroganter & contumaciter permanet.

De vitiis inter quæ fortitudo est interiecta.

CAP. XXXII.

FORTITUDO media est inter duo vitia, audaciã  
& ti-

Contrarium  
patientie vi-  
tium molli-  
ties animi.

Qui sint im-  
patientes

Qui prosperâ  
fortunâ ferre  
non possunt.

Perseverantia.

Comes & ad-  
iutrix patien-  
tiæ.

Contrarium  
perseverantiæ  
vitium.



& timiditatem. Audacia est inconsiderata periculorum aggressio, seu inconsulta confidentia, qua quis non exploratis viribus, caco impetu periculum aggreditur, vel ignorance difficultatis, vel animi elatione & gloria cupiditate, vel desperatione, vel etiam stupiditate ac vecordia mentem perturbante. Vitium hoc à fortitudine longè est alienum, quòd rationem & còsiliu non adhibeat. Relatum est hoc etiam suprà inter affectus: quòd impetum animi ad inconsultè atque audacter agendum excitet. Huic vitio contrarium vitium est timiditas, qua sine causa quis terrore percellitur, & quouis strepitu terretur, eaq; timet quæ pro virtute fortiter obeunda sunt, ignavus, mollis, ac laboris honesti fugiens: qui dum nimium suæ vitæ metuit, turpitudinem & dedecus, quod maximè fugiendum est, non timet. De utroque vitio disputatum est aliter in explanatione affectuum, atque hic ubi non affectus, sed habitus vitiosus intelligendus est fortitudini contrarius.

Quid Audacia.

Quid Timiditas.

D. Hierony. contra I. Fortitudo la. guescit orio.

Differunt affectus & habitus

De temperantia.

CAP. XXXIII.

TEMPERANTIA virtus est, quæ voluptates, rationis imperio subijcit: ac modum rebus omnibus adhibet. Ea definitur à Cicerone, rationis in libidinem & in alios non rectos impetus animi firma & moderata dominatio. Dicitur & moderatio cupiditatum, rationi obediens: & alibi, moderatrix omnium commotionum. Ea in pratermittendis voluptatibus cernitur, ut idè cum Platone & Aristotele sentit. Græcè τωποςύρν, quam noster & temperantiam & moderationem vocat, atque frugalitatem, Versatur enim in refrenandis voluptatibus inhonestis, & immoderatis, ac libidimbus, tanquam in materia, quam tractat. Et quoniam voluptates alie sunt naturales, omniumq; animatum communes: alie opinabiles: & utraque vel animi, vel

Quid Temperantia.

Dicitur est  
σεφροσύνη,  
quod sedatis  
animi cōmo-  
sionibus &  
rationi subie-  
ctis prudentiā  
conferret: ve-  
stipurus ani-  
mus in cor-  
pore puro.  
Divisio vo-  
luptatum,

E

corpo-

Quibus voluptatibus temperantia vitatur.

Temperantia prudentiam requirit.

Temperantia officia.

Hinc Plethon temperantiam definit, habitum animi contentum paucis illius, quæ ad vitam dezentiam requiruntur. Temperantia tres species Ciceroni.

corporis: quarum alie bonæ sunt, quæ bonum ad finem referuntur: alie mala, quæ ad malum: bonis & honestis hæc virtus vitatur: contrarius abstinet: omnes verò appetitiones rationis iudicio moderatur. quod his verbis confirmat Seneca: Temperantia voluptatibus imperat: alias odit atque abigit, alias diffensat, & ad sanum modum redigit. Ex quibus verbis intelligendum est, hanc virtutem esse cum prudentia coniunctissimam. Cum igitur in moderandis cupiditatibus temperantia versetur, primum eius officium est, videre quid natura necessitas ad vitam commodè degendam postulet: ut huic satisfiat, quæ paucis contenta est, quo nimis immoderatus rerum naturalium usus vitetur, & intra natura modum cohibeatur. Alterum est, ut ubi iam corporis voluptatibus frenos iniecerit, moderetur etiam animi impetus rationi obliuantes, arrogantiam deprimat, seipsam noscat, libidini fortiter obstat, & paulatim rationis imperio subicere conetur. Temperantia tres partes à Cicerone subiiciuntur: Continētia, clementia, & modestia. quarum prima cupiditatem ac voluptatem refrenat: altera odium remittit: tertia pudorem honestum conseruat, & verecundiam: sine qua nihil rectum haberi potest.

### De continentia & abstinentia.

#### C A P. XXXIIII.

Quid inter continētiam & abstinentiam interfit.

Quid abstinentia.

Quid innocentia.

INTER continētiam & abstinentiam id interesse propriè videtur, quod continētia moderatur affectus, & in omni victu cultuq; corporis modum tenet, ac precipue in prætermittendis voluptatibus cernitur, ut ait Cicero: cui contraria est incontinētia. Abstinentia manus ab alienis continet, cui rapacitas opponitur. hæc in viro innocente est, illa in temperante. Definitur autem ab eodem: Innocentia, affectio talis animi, quæ noceat nemini

nemini. Continentia, virtus per quam cupiditas consilij gubernatione regitur. Contraria est cupiditati, voluptati, libidini. Huius enim munus est, omnes appetitiones moderari, libidinem, luxum, ebriositatem, liguritionem, sensusq; omnes & voluptates rationi subijcere. hac virtus non modo laudabiles ac dominos cupiditatem reddit, verumetiam sanos & alacres, atque ad res praeclaras efficiendas aptos: at contra, ex intemperantia multa morborum genera nascuntur, ex nimio cibo ac potu onustus venter animum quoque prae-gruat, ac rationi tenebras offundit. Sed ille tamen finis omnibus semper esse debet propositus, ut idè se contineant, quia ita Deo, cui seruiendum est, placere sciant, non quia id valetudini proficit. nam si valetudinis tantum, vel commoditatis causa quis incontinentiam fugiat, laudem non meretur. Ad continentiam referantur ille virtutes omnes, quocunque vocentur nomine, quae moderantur voluptates, vestitum, victum, cibum, potum: quae castos, moderatos, sobrios reddunt: quae foedas illas refrenant pestes, luxuriam, libidinem, liguritionem, vinolentiam, & similes: quibus voluptarii, libidinosi, molles, impudici, effeminati, belluones, ebriosi homines, & pecudibus deteriores efficiuntur. Per continentiam ad laudem temperantiae pervenitur. Est illa quidem inchoata potius quam absoluta virtus, ut Aristoteli placet: sed ipsius temperantiae perfectissima virtutis officio, quod in cupiditatibus refrenandis ac rationis imperio subijciendis cernitur, maximè necessaria. quam ille videtur à temperantia ita distinguere, ut in categoria qualitatis diathesin ab habitu separavit. Quod ipsum Calius Calagninus in Disquisitionibus annotavit, brevitè ostendens, inter continentem & incontinentem seu impotentem, inter temperantem

Quid continentia.

Laus continentiae.

Vituperatio incontinentiae.

Finis omnis virtutum.

Ad continentiam quae virtutes referantur.

Per continentiam ad laudem temperantiae pervenitur, ut per diathesin ad habitum. Quomodo continentiam & temperantiam distinguat Arist.

Vide Putar-  
chum, De vir-  
tute morali.

Quid incon-  
tinentia.

Vituperatio  
incontineus.

& intemperantem quid differat. Continens (inquit) cum affectibus colluctatur, & vincit: incontinens velutatur quidem, sed victus dolet. contrā, temperans nullam habet luctam: sed pacatis affectibus vitatur, ut mare tranquillum, quod nullo agitur vento. intemperans verò sine lucta manus dat affectibus, seq̃ obsequētem omnibus voluptatibus spontè profitetur. Contrarium continentie vitium est incontinentia, non minus latè patens. ea definiri potest, immoderata voluptatum cupiditas, qua rationis imperio nō gubernatur: seu immoderatus ac rationi repugnans libidinis, gula, vinolentia, ceterarumq̃ inhonestarum voluptatum usus. Nihil est hoc vitio turpius & abiectius, quod seruum reddit hominem, atq̃ omni libertate spoliatur: quem improbiſſimis dominis cupiditatibus, libidinibus, beluationibus, iracundia, auaritia, alijsq̃ dedecoris ac turpitudinis administris mancipet: ut eleganter à Cicerone disputatur in quinto Paradoxo.

De clementia. CAP. XXXV.

Clementia,  
lenitas, man-  
suetudo.

Quid Clemē-  
tia.

Plures defini-  
tiones Cle-  
mentia ex  
Seneca,

UT in refrenandis ac moderandis cupiditatibus cōtinentia spectatur, ita clementia in iracundia cobibenda. Dua enim sunt, ut suprà dictum est, animi partes, appetens & irascēs: ex quibus omnes oriuntur affectiones. Definitur a Cicerone clementia, per quam animi temerè in odium alicuius concitati, comitate retinentur. Seneca plures eiusdem virtutis definitiones adferens, Clementia, inquit, est temperantia animi in potestate vlciscendi: vel, lenitas superioris aduersus inferiorem in constituendis pœnis: vel, inclinatio animi ad lenitatem in exigenda pœna. Dicitur enim eadem lenitas, seu lenitudo, & mansuetudo, qua ira impetui ratione reprimatur, & in vlciscēdo atque animaduertēdo moderatio adhibetur. Sed hanc ita prudentia regit,  
ut nec

ut nec omnibus, nec nulli ignoscatur: ne spe veniæ peccet improbi, & ledant bonos, quibus nocere meritò dicitur, quisquis pepercerit malis: utrumque enim crudelitati potius quam clementia convenit: sed in partem humaniorem tamen, quam in alteram peccare præstat: nisi fortè qui reip. præsumunt, exemplum in aliquos necessario edendum iudicaverint: quos optat Cicero legum similes esse, quæ ad puniendum non iracundia, sed æquitate ducuntur. Clementia est, causis parcèdi querere. Priuatorum certè nemo vereatur se ad illam clementiorem partem inclinare, nec unquã de illata sibi iniuria vindicanda cogitet: sed irarum stimulos cohibeat; & hanc intelligat omnium pulcherrimã esse victoriam, ac præcipuè Christiano homine dignam. Clementia contraria est crudelitas ac senilitas, seu atrocitas animi in vindicando & sumendis suppliciis, cuius comes accedit immanitas: id est, efferata crudelitas, qualis eorum est, qui in captos aut prostratos, etiam in mortuos, ut immanes beluæ sentiunt. utroque vitio nihil est ab hominis natura alienius, cuius propria est humanitas, & clementia; & huic virtuti vinculo amabili coniuncta misericordia, quæ clementes & humanos reddit: quæ nulla virtus Deo, cuius immensa est & inestimabilis misericordia, gratior esse potest. Clementia cognata videtur, sed vitium est, lenitudo: quæ stupidi hominis est, non lenis. Ceterum crudelitas non solum huic virtuti contraria est, verum etiam iustitiæ & fortitudini; hominum nature, quam sequi debemus, ut ait Cicero, maximè inimica.

Cur sit clementia necessaria prudentia.

Ad puniendū non iracundia, sed æquitas mouere debet.

Privata iniuria non vindicanda.

Iracundiã qui vincit, hostē superat maximum; Minus est Publianus. Contraria clementiæ crudelitas.

Immanitas.

Clementia & Misericordia Deo gratissima.

Lenitudo vitium est.

Crudelitas aliis etiam virtutibus contraria.

De modestia. CAP. XXXVI.

MODESTIA dicta est, quod modum quendam ac moderationem conseruet, omnibus quidem virtutibus communem, quæ definiuntur mediocritates inter ni-

Quid mole-  
sta.

minum & parum, sed qua propriè in hanc temperan-  
tiam speciem conveniat. Desiniri autem Modestia potest,  
per quam pudor honestus omnium dictorum atque fa-  
ctorum moderationem adhibet; & temporum opportu-  
nitatem, atque omnibus in rebus modum ac decorum ser-  
uat. Lib. 3. ad Herennium, Modestia est in animo con-  
tinens moderatio cupiditatum. Et à Cicero ne libro 2.  
De inventione, per quam pudor honestus clarum & sta-  
bilem comparat auctoritatem. & libro primo De offi-  
ciis definit, omnium que fiunt, quaque dicuntur, ordinem  
& modum, & scientiam opportunitatis idoneorum ad  
aliquid agendum temporum: Stoici scientiam earum re-  
rum que agentur, aut dicuntur, loco suo collocandam.  
Prima definitio pudorem honestum, quem Cicero in-  
genuam quandam timiditatem appellat, & verecun-  
diam nobis commendat, que est reverentia quadam ad-  
versus homines: cuius proprium est, neminem offende-  
re: sicut infamia, neminem violare, qua definitur ab illo  
in Partitionibus Oratoris, custos omnium virtutum, de-  
decus fugiens, laudemque maximè consequens. Et Ari-  
stoteles vocat metum dedecoris & infamiae. Atque ha-  
c quidem definitiones non unam aliquam virtutem ve-  
recundiam declarare videntur, sed generalem quandam  
cum omnibus virtutibus coniunctam, quod alio nomi-  
ne decorum vocatur, & nostra definitione comprehen-  
sum est. Pudor inter affectus à nobis annumeratus est:  
ubi intelligi volumus repentinam commotionem, qua  
quis subito perturbatur: hic verò coniunctam virtuti  
affectionem, usu confirmatam, qua dedecoris atque in-  
famiae metu nos à vitiis avocat: eam si non ipsam vir-  
tutem, at certè cum virtute copulatam fateamur: qua  
nihil est homini ad fugiendam turpitudinem utilius.  
Ex hac affectione obortum ruborem, virtutis colorem

Quid vere-  
cundia.

Verecundia  
generalis idè  
quod decorum  
de quo brevi-  
ter ad finem  
huius capitis  
explicabitur.  
Pudor inter-  
dictum est affe-  
ctus, interdum  
virtus, aut  
virtuti con-  
iuncta.

Dioge-

Diogenes appellabat: indicans, eum pudorem ab indole bona proficisci. quem tamen hic moderatum esse volumus: ut sit mediocritas, quæ propria virtutum est, inter nimum pudorem seu timiditatem verecundiæ imitricem ac rusticum pudorem, & impudentiam. Apud pudorem, pudens seu verecundus virtutis nomine dicitur: cui contrarium est impudens, & inverecondus. Laudabilis hic rerum turpium metus est, & in minoribus natæ virtutis indolem significat: præcipuum etiam feminarum ornamentum. At impudentia detestabile vitium est, quo decorum & vitæ honestas omnis negligitur, aliorum iudicium contemnitur: & ad vitia, quia non timeantur, aditus aperitur. Reliquæ Ciceronis definitiones, quæ modo posuimus, quid sit modestia, satis explicant: ut sit earum rerum, quæ aguntur, aut dicuntur, ordo & modus scienter observandus, quo quidq; suo loco, & tempore, & decore fiat. Eius enim officium est, ita moderari animi motus, ut omnium actionum consensio quædam retineatur: ut nihil quod ineptum sit, parumq; deceat, vel agatur, vel dicatur; ne quid iracundæ, ne quid cupidæ per odium, amorē, libidinem, arrogantiæ, ambitionē, aliōsue non rectos impetus animi fiat. Subiiciuntur modestiæ demissio animi, discendi studium, sermonis festiuitas seu lepor, seu urbanitas, & cultus corporis. Animi demissio, quam vacant humilitatem, præclara Christianorum virtus est: qua quis ita animi insolentiam deprimat, ut quanto superior sit, tanto se gerat submissius. Hanc virtutem Christus ipse nos à se discere voluit, qui se mitem esse dixit, & animo humili atq; demisso: ut nos quoque illius exemplo nostra bona, si quæ sunt, extenuemus: cum nihil habere boni possimus, quod non Dei cōcessu atque munere nobis sit datum: ut nulla cuiquā mortaliū sit de se gloriandi causa,

A pudore pudens, cui contrarium est impudens.

Impudentia.

Modestia continetur modestatio, atque omnium rerum ordo & modus.

Modestiæ officium.

Ad modestiā referuntur, Animi demissio, Discendi studium, Urbanitas, & Cultus corporis. Præma Modestiæ pars, Animi demissio. Christus exemplum mitis & humilis animi.

Nulla est cuiquam de te glorandi causa.

Vnde omne donū, & vera sapientia.

Animi de missionis officium  
Nolce teipſū.

Vnde xpo-  
ſū dicta ſit.  
Contrarium  
vitium ſuper-  
bia & arto-  
gantia.

Altera mode-  
ſtiæ pars di-  
ſcendi ſtudiū.

Horat. Cur  
neſcire pudēs  
prauē quā  
diſcere malo?

Philosophorū  
perpetuum  
fuit ſapientie  
ſtudiū.

Contraria di-  
ſcendi ſtudio  
vita.

cū donum omne perfectum calitus à Deo patre, qui mentes hominum illustrat, proficiſcatur per IESVM Christum ſeruatore nōſtrum, per quem veram ſapientiam homines acceperunt, ſancti Spiritus beneficio confirmatam. Docet igitur hac virtus id præcipuē, quod olim de celo de lapſum ferebatur, Noſce teipſum: ne quis videlicet ſibi nimium tribueret, cū nihil habeat quod non acceperit. Eſt hoc etiam prudentis opus, ex quo intelliges modeſtiam atque temperatiā prudentia ſemper eſſe coniunctiſſimā: vnde & a Græcis o-  
poſūvū dicitur, quaſi conſervatrix prudentia. Contra-  
rium vitium eſt ſuperbia, & arrogātia, per quam præ-  
clara multa quis amore ſui cæcus in eſſe qua nō in ſunt,  
& maiora quā in ſunt, ſibi fingit: ſeu in ſcens & in-  
anis, ac iudicio mentis carens oſtentatio. Stultorum ho-  
minum de ſe bene exiſtimantium vitium hoc, & Deo  
& hominibus eſt odioſum. Vitioſa quoque eſt immodi-  
ca ſuarum virtutum, eaq; ſimulata extenuatio, & a-  
lienarum falſa præſertim prædicatio: qua magis aſſen-  
tationi quā virtuti conuenit. Altera modeſtiæ pars  
cum ſuperiori magna cognatione coniuncta eſt, diſcēdi  
ſtudiū, quo ſuam quis ignorantiam agnoſcens, ſcien-  
tiæ deſiderio tenetur, ad quam comparandam animum  
applicat: & diſcere quā prauē pudēs neſcire mauult.  
Facile autem multa diſcit, qui ſcientiæ ſtudioſus eſt,  
& ſe plurima neſcire intelligit: quales fuerunt philoſo-  
phi, doctriq; laude clariffimi; quorum tota vita nihil  
aliud quā perpetuum quoddam ſcientiæ & ſapientia  
ſtudiū fuit. Hic contrarij ſunt, qui ad magnam  
eruditionē peruenire poſſent, niſi iam ſe perueniſſe cre-  
derent: quod huic virtuti maximè reſignat, qua ex  
modeſtia, & propria ignorantie conſeſſione proficiſci-  
tur. Virtus hac duobus eſt interiecta vitis, curioſitati  
& incu-



& incuria, seu negligentia studiorum ac scientia. *Curiositas* est nimia diligentia, seu auiditas immoderata cognoscendi res vel malas vel inanes, ac parum necessarias: contraria laudabili ac naturali vehementiq; cupiditati ac studio discendi, omnibus hominibus insito. Propria enim hominis est, veri inquisitio atque investigatio. Ut autem curiositas merito vituperatur, ita negligentia & incuria scientia: qua stupidorum hominum est, & hebetium, qui brutis animantibus quam hominibus similiores videntur. Tertia modestia pars est festiuitas seu incūditas, & lepor; itemq; comitas affabilitasq; sermonis: quibus qui prudenter utitur: is omnibus iucundus erit, atq; ob id etiam gratosus. Festiuitas seu urbanitas est, qua modum quendam iocis ac ludus adhibet: & his tempore & loco apud eos, quibus ea grata sunt, ad honestam hilaritatem excitandam, ac vitæ molestias incūditate quadam abstergēdas utitur. Est hac quoque mediocritas inter duo vitia, teste Aristotele lib. 11. & 1111. ad Nicomachum, scurrilem dicacitatem & rusticam insulsiatē. Qui iucunditatis ad iocum accommodatē modū tenet, festiuus seu urbanus habetur: qui transit modum, scurrilis: quales parasiti sunt & histriones, aliq; leues homines & ridiculi. Qui verò omnino ab iocis abhorret, is agrestis & rusticus indicatur. Sed diligenter cauendū est ne dicacitate nostra quemquam offendamus, ne sint immoderati sales, ne turpes, ne inepti. Multa festiue dicta suppeditebit Apophthegmatum opus ab Erasmo collectum. Quod autem attinet ad reliquam vitæ iucunditatem: qui ita se iucundum præbet, ut ratio postulat, is facilis, comis, & affabilis: & mediocritas, facilitas dicitur. qui modū transit, si nulla causa ductus, nimium facilis & obsequens; si emolumentū sui causa,

Incuria & Negligentia scientia.

Tertiæ modestiæ pars.

Urbanitas.

Contraria urbanitati vitia, scurrilis dicacitas, & rustica insulsiatē.

Cauendum est, ne sales offendant, ne sint immoderati, ne turpes, ne inepti.

Humanitas seu comitas, mediocritas est inter insolentiam, & nimiam facilitatem atque adulationem.

Innata quibusdam severitas ac gravitas.

Simulata gravitas ac odiosa est.

Inepta civilitatis affectatio.  
Postrema pars Modestiae.

Moderatus corporis cultus.  
Contraria virtus luxus & sordes.

De decoro.  
Ad speciem & decorum pertinet ea quae præcepta, quae de civilitate morum patris in scholis tradi solent.

assentator habendus est. At qui omnino abhorret disceditq; à modo & ratione, seq; tristē rebus omnibus præbet, is morosus & difficilis putandus est, & omnium odio dignus, cum inhumana illa & prudētibus viris ingrata tristitia & agreste severitate. Quibusdam innata videtur esse tristis quædā in vultu severitas, qualis illi Terētiano Critoni tribuitur in Andria: quæ si naturalis est, certè nec bona propriè, nec mala dici potest. Bona iudicabitur, si rectè rationi cōgruat. Sed est quoddā genus hominum, qui fronte & supercilio, atq; etiam gestu, incessu & voce stultitiam contegunt: quorum affectata gravitas, prava consuetudine confirmata, cordatis viris & ad humanitatem rectius informatis perridicula videri solet. Sunt alij quidam, præsertim ex iis, qui sunt in aulis principum versati, qui dum rusticitatem fugiunt, in odiosam & ineptam civilitatis affectationem incident. Modestiae postrema pars docet ornatum cultumq; corporis esse moderandum, & in eo, sicut aliis in rebus, decorum servandū; ne vel nimia cura & luxus, vel agrestis & inhumana negligentia & sordes reprehenduntur. Hæc enim virtus, quæ cultu corporis commodo, & natura necessitati conveniente constat, mediocritas est inter luxum & sordes. Sit igitur moderatus vestitus, mūdus, aptus corpori: & ad usum non ad stultitiam & ridiculam ostentationem conveniens; qualis barbarus & exoticus esse solet: sit personis pro dignitate & opibus, & sexui, ætati, loco, tempori, & honestæ consuetudini accommodatus. Alius nobiles & divites, alius plebeios & tennes; alius viros, alius mulieres; alius senes, alius iuvenes decet. Cùm autem Cicero lib. 1. De officiis optimè & copiosissimè de decoro scripserit tum philosophico, tum poëtico & speciali; nos hic breviter id solum perstringemus, quod à philosophis

sophis tractatur, omittentes etiam illud, quod communi hominum iudicio in omnibus actionibus pulchrum & probabile, & bene à natura informatos homines pro sua cuiusq; persona ac dignitate decere videtur; & hoc capite magna ex parte sumus complexi, & olim tabella quadam spectandum exhibuimus: cuius illam, quæ est de Decoro, particulam huic nouæ libelli Ethici anacephaleosi adiungendam curauimus. Philosophicum igitur illud generale decorum est ipsum honestum, aut huius velut splendor quidam, & lumen omnium virtutum, ita cum honesto coniunctum, ut pulchritudo corporis cum bona valetudine. Quemadmodum enim bonus corporis habitus seu bona valetudo pulchritudinem ac suauitatem coloris gignit, contra valetudo mala deformitatem & insuauem colorem: ita honestas decorum parit, qui tanquam virtutis color est & ornamentum.

Decorum Philosophicum, seu generalis temperantia, idem quod iustitia generalis.

De intemperantia, & duabus eius partibus.

CAP. XXXVII.

INTEMPERANTIA est, obsequium cupiditatibus contrarationem indulgens: quam Cicero libro quarto Tusculanarum questionum definit, à tota mente, & à recta ratione defectionem, sic auersam à prescriptione rationis, ut nullo modo appetitiones animi nec regi nec contineri queant. Partes huius vitij due sunt: vna, quæ nimium voluptatibus indulget: altera, quæ nihil, per illam precipites homines belluarum more in omnes voluptates ruunt, reiecto rationis imperio: per hanc, animi duritiâ nonnulli tanquam stupore, quodam, ad omnes voluptates redduntur hebetes; & honestam etiam ac necessariam incunditatem sine causa reijciunt & aspernantur. sed horum per paucos reperiri puto, qui ab omni voluptate, quæ vel maximè natura delectatur, immunitate quadam sic abhorreant, ut nulla incunditate de-

Quid intemperantia.

Dux partes intemperantia.

ἀναισθησία  
inimans durities in voluptatibus aspernandis. Pauci ab omni voluptate abhorrent: pluresci nimium indulgent.

mulceri

mulceri possint. Multo plures in alteram peccare partem solent, & magno cum temporis, & valetudinis, & fame detrimento, luxuria & otio diffuentes nimis laxas habenas dare voluptati, quam ex prescriptione rationis temperantia refrenat: quæ duobus illis interiecta vitiis, auream illam & propriam virtutis mediocritatem semper tenet. Cetera vitia, quibus reliqua temperantia species interiecta sunt, virtutibus singulis addita, hic repeti non est necesse.

Quid. Otia dant vicium, &c.

De virtutum inter se coniunctione, differentia, & præstantia.

## CAP. XXXVIII.

Virtutes omnes, ut artes, v'ic' n' iunctæ sunt; non autem vitia, quæ contraria inter se esse possint, ut avaritia & effusio.

Plato in Ione.

VIRTUTES omnes, quæ modo perfectæ sunt, & ad rationis habitum perductæ, mutua quadam inter se connexionem ita deiunctæ sunt, ut corporis vnius membra: ita amabili concordia consentiunt, ut in cantu, & fidibus concentus musicus. Quamvis enim specie differant, cum sint species diuersæ, usu tamen eas, ut artes inter se coniunctas intelligimus. Hæc est illa multiplex annulorum series, quam a magnete attrahi Plato scripsit. Nō enim perfectè ac verè prudentē vocaueris, qui non idem sit & iustus & fortis & temperans: nec iustum, qui ceteris careat: nec fortem nec temperantem, qui reliquorum comitatu non sit instructus; etiam si frequentius in una virtute quàm in alia versetur, & in ea malit excellere. Inchoatæ verò virtutes non ita coniunguntur, ut quasi consensum concentumq; efficiant. Socratē fuisse temperantē & modestum accepimus: sed illa quæ peculiaris ei fuisse dicitur ironia, cum tam cupidè aliorum inscitiam argueret, arrogantia reprehensionem effugere non potest. At verò illa beati Jobi summa patientia ac temperantia litteris sacris predicata, omnium perfectissima fuit: qualis & Abrahami fuit obedientia, Iosephi in Aegypto continentia, mansue-

Inchoatæ virtutes non ita inter se coniunctæ sunt, ut perfectæ.

*mansuetudo Mosis, aliorumq; patrum, qui diuino spiritu regebantur, virtutes. Sed huius tam perfectæ virtutis exempla non ita multa proferuntur: inchoatæ vero plurima numerari possunt. Virtutes alia aliis dignitate & actione præstant: ut prudentia, cuius in mente sedes constituitur, & in veri inquisitione versatur, temperantia præfertur, quæ voluptates moderatur, & modum rebus omnibus adhibet: cui locus assignatur in appetente animi facultate: iustitia fortitudini, quod illa seipsa contenta non egeat aliis, ad conservandam humanæ societatis æqualitatem necessaria: nullamq; certam habeat sedem, sed ad omnes animi partes æquè diffundatur: hæc in difficultatibus contemnendis versetur, & in irascentis animi facultate sit collocata, nec possit ope iustitiæ carere. Quatuor autem his primariis virtutibus quæcunque subiecta sunt, ut ordine, sic dignitate sunt inferiores; propterea quod earum aliis alia subsint: nec statim ad summum bonum, quod illa summa capita proximè spectant, sed ad sua genera singula referantur, & nos potius quàm felicitatem respiciant: cum nõ ipsæ per se, sed per illa quatuor genera ad ipsum Deum, qui bonorum omnium est finis, dirigantur. Ad hunc finem exoptatum, æternamq; felicitatem, per virtutis quidem actiones (ut initio dictum est) sed quas ipse nobis Deus sua benignitate fortunet, pervenitur: cui laus omnis, honor & gloria æterna debetur.*

*Perfectæ virtutis vir in hac imbecillitate humana non faciliè reperitur, nisi à Deo fuerit excitatus. Nec enim Socrates, nec Cato, nec illi veterum: sine exceptione laudari possunt. Et veteres illi heroes Hercules, Achilles, Alexander, Cæsar, multa quidem fortiter sed plura fortassis etiam temerè fecerunt, &c.*

*Quatuor illæ primariæ virtutes omnibus præstant, quod ad summum bonum proximè spectent. Deus bonorum omnium finis est.*

FRAGMEN.

# FRAGMENTA QVÆDAM PYTHAGOREORVM, EX

STOBÆQ, INTERPRETE

G. CANTERO.

## HIPPODAMI THVRII

LIB. DE BEATITVDINE.



**A** NIMATIA beatitudinis alia capacia sunt, alia non sunt. Capacia sunt ea, quæ ratione sunt prædita: quandoquidem beatitudo sine virtute subsistere non potest: virtus autem in eo, quod rationis est compos, cernitur. Capacia non sunt, quæ ratione carēt. Etenim nec quod visu caret, visus aut operis aut virtutis est capax: nec quod rationis est expers, ratione præditi vel opus vel virtutem potest capere. At beatitudo & virtus ratione præditi, illa tanquam opus, hæc tanquam ars quædam est. Jam ratione prædita quædam ipsa perfectæ sunt, quæ per se sunt perfectæ, nec vlla re externa vel ut sint, vel ut bene sint, indigent: qualis quidem sit Deus. Non ipsa perfectæ sunt, quæ per se non sunt perfectæ, verum externas res requirunt: qualis quidem sit homo. Non ipsa perfectæ porro quædam perfectæ sunt, quædam imperfectæ. Perfectæ, quæ & suis & externis causis nituntur: suis, quod & naturam bonam, & consilium rectum attulerint: externis, quod rectam legum constitutionem, ac probos præfectos nacti sint, qualis quidem sit homo bonus. Imperfectæ sunt, quæ vel neutrum horum, vel tantum aliquod sunt consecuta, vel prorsus prauo sunt ingenio, qualis quidem sit alterius generis homo. Perfecti homines porro alij natura sunt,  
alij

*aliy vita perfecti. Natura, qui boni duntaxat sunt: id est, virtute pradi. Virtus enim cuiusque, in cuiusque rei natura supremum est, & perfectio: tum oculi, in oculi natura supremum & perfectio: tum hominis, in hominis natura supremum & perfectio. Vita perfecti sunt, qui non boni tantum, sed etiam beati sunt. Cum enim beatitudo sit humana vita perfectio: vita quidem est actionum compositio, quae autem ad finem deducit beatitudo. id quod per virtutem fit, & felicitatem: illam propter usum, hanc propter successum. Ac Deus quidem nec virtute ab aliquo percepta bonus, nec felicitate comitante beatus est redditus. Etenim natura, tum bonus tum beatus erat, semperque, & fuit & erit: nec unquam talis esse desinet, cum interire non possit. Homo vero nec bonus natura nec beatus est, verum disciplinam & fortunam requirit: virtutis quidem, ut bonus: felicitatis autem, ut beatus euadat. Quocirca duo haec beatitudinem humanam constituunt, laudatio, & felicitatis praedicatio. Laudatio virtuti, altera felicitati tribuitur. Jam virtutem ex diuina, felicitatem ex humana sorte adipiscitur. Differunt autem cum diuina caelestiaque, a mortalibus ac terrenis, tum a melioribus deteriora. Itaque qui deos sequitur, beatus: qui mortales, miserè euadit. Nam prudentia pradi decens & utilis est felicitas: decens, quoniam uti nouit: utilis, quia factis manum admonet. Pulchrum igitur est, quando cum felicitate prudentia coniungitur, tanquam secundo vento actiones ad virtutem, tanquam Cygnosuram respiciendo perficere. Sic enim non Deum tantum sequetur, sed etiam humanum bonum cum diuino componet. Hoc quoque manifestum est, ex affectionibus & factis discrimen vite gigni. Est autem tum affectio vel honesta, vel turpis, tum factum vel beatum vel miserum,*

rum. Honestā affectio est, quæ virtutis: turpis, quæ vitij particeps est. Facta quoque beata sunt, quæ in felicitate cernuntur, quoniam ratione perficiuntur: misera, quæ in infelicitate, quoniam finem non assequuntur. Quapropter virtus non modo discenda, sed etiam possidenda, & ad familiarum ac rerump. vel securitatem, vel auctum, vel etiam (quod est maximum) emendationem est usurpanda. Regum enim præclararum non tam possessionem, quam usum scitari debemus. Quæ quidem omnia contingent, si quis remp. bene constitutam nanciscatur, id quod quidem Amalthææ, quod dicitur, cornu voco. Etenim in recta legum constitutione sunt omnia, neque maximum humana natura bonum vel existere absque ea, vel comparatum & auctum permanere possit. Nam & virtutem, & ad virtutē viam hæc in se continet: quandoquidem in ea partim natura bonæ procreantur, partim & mores, studia, leges optime se habent, & recta ratio, pietas, sanctimonia, magnopere vigent. Quamobrem qui beatus futurus & feliciter victurus est, cum in bene constituta repub. & vivere necesse est, & mori. Quid quod etiam necessario quæ ante dicta sunt, ita se habent. Cum sit enim homo societatis pars, hac ratione sit eodem pacto perfectus, si non tantum socium, sed & probum socium se præbeat. Quædam etenim in pluribus, non in vno: quædam in vno, non in pluribus cernuntur: quædam & in pluribus, & in vno: ideoq; in vno, quoniam & in pluribus. Nam harmonia, concentus, numerus, in pluribus cernuntur: quandoquidem horum nulla pars totum queat constituere. Iam visus & auditus præstantia, pedumq; velocitas in vno diutaxat existunt. At beatitudo & animi virtus, & in vno, & in pluribus, & in toto, & in vniuerso cernitur. ideoq; in vno, quoniam & in pluribus:



bus: ideoque in pluribus, quoniam & in toto atque vniuerso. Nam & natura totius constitutio singulas partes constituit, & singulorum constitutio totum atque vniuersum absoluit. Id autem inde fit, quod natura prius est parte totum, non pars toto. Si enim mundus non esset, nec sol, nec luna, nec vel errantes vel inerrantes extarent stelle. Postquam verò mundus est, horum quoque singula cernuntur. Atque hoc in ipsa quoque animalium natura perspicitur. Si enim animal non esset: nec oculus, nec os, nec auris appareret. Postquam autem est animal, hæc quoque singula cernuntur. Sicut porrò totum ad partem, sic etiam totius virtus ad partis virtutem se habet. Siquidem absque harmonia diuinæ mundi cura non possent, quæ constituta sunt, in statu suo permanere: absque recta legum in ciuitate constitutione, nullus vel bonus vel beatus posset esse ciuis: absque animalis sanitate, non posset nec pes nec manus roboris & valetudinis esse particeps. Est enim ut mundi virtus, harmonia: ita ciuitatis, bona legum constitutio: & corporis, sanitas ac robur. Atque singula totorum partes ad totum & vniuersum referuntur. Nam & oculi totius corporis causa cernunt, & reliquæ partes totius atque vniuersi causa constituta sunt.

## EVRYPHAMI PYTHAGORICI

## LIB. DE VITA.

PERFECTA hominis vita quemadmodum Deo cedit, quoniam ipsa perfecta non est: ita brutis prestat, quoniam virtutis & beatitudinis est particeps. Nam nec Deus externam causam requirit, (cùm enim natura bonus ac beatus sit, per se perfectus est) nec brutum ullum. Etenim cùm ratione careant, actionum quoque

F

carent

carent scientia. At hominis natura partim sui est consilij, partim etiam diuinum requirit auxilium. Quod enim rationem capere, honesta turpiaque cognoscere, recta in calum à terra suspicere, deosque altissimos potest comprehendere, diuinum quoque adeptus est auxilium. Rursum quid voluntatem habet atque consilium, ac tale in se initium, quo possit & virtuti & vitio studere, deosque & colere & auersari: per se quoque moueri valet. Quapropter tum laudem & honorem, tum vituperationem & ignominiam partim diuino, partim humano facto consequuntur, siue virtuti, siue vitio dederint operam. Sic namque se tota res habet. Hominem Deus, animal praestantissimum, & ut suae naturae respondens, ita vniuersi constitutionis oculum in mundo collocauit. Quamobrem hic & rebus imposuit nomina, quarum fuit signator: & litteras inuenit, memoria thesauro instructo: & vniuersi constitutionem imitatus, iure ac legibus urbium societatem concinnauit. Nullum enim factum nec mundo, nec diis potest esse dignius; quam ciuitatis bene constituta compositio, legumque & reip. constitutio. Siquidem unusquisque, cum sit per se nullus, nec ad vitam in communi concordia, reip. publ. compositione degendam per se aptus est, & ad integram perfectamque societatis compagem constituendam ineptus. Etenim humana vita lyrae undique perfecta & accurata similis est. Sicut enim lyra omnis tria haec requirit, apparatus, compositionem, & pulsus musicum (apparatus dico, propriarum partium omnium copiam, ut chordatum, & ad pulsus ac sonum pertinentium instrumentorum: compositionem autem, mutuam sonorum proportionem: pulsus denique, horum pro compositione motum) sic etiam humana vita tribus his indiget. Apparatus quidem est, vitae partium institutio

merus. sunt autem vitæ partes, corporis bona, opes, amici, gloria. Compositio est, horum secundum virtutem & leges constructio. Pulsus denique musicus est, horum secundum eadem permistio, cum secundo vento virtus fertur, neque aduersi quicquam aliunde sentit. Non enim in eo, si voluntario scopo excidant consilia, verum si eum assequantur, est posita beatitudo: neque iam ut satellitibus ac ministris virtus careat, quam ut suis facultatibus ad res agendas affatim instruatur. Nam non ipse perfectus, sed imperfectus est homo. Fit autem perfectus partim sua, partim aliena opera; idque vel natura, vel vita. Natura, si bonus euadat: virtus enim cuiusque in cuiusque rei natura supremum est & perfectio: tum oculorum, in oculorum natura supremum & perfectio, tum aurium in aurium, tum hominis, in hominis natura supremum & perfectio. Vita, perfectus sit, si beatus euadat. Beatitudo enim humanorum bonorum summa est, & perfectio. Quis sit, ut rursum virtus & felicitas eius vitæ partes existat: & virtus anima; felicitas corporis, simul utrumque animalis vicem gerat. Ut enim illius est, natura bonis rectè uti: ita huius, vsum suppeditare: & ut uti, virtutis; ita vsum præbere, felicitatis. Illius est, consilium & rationem rectam: huius, actiones & facta conferre. Nam ut honesta velle, & ferre græua, virtutis est proprium; ita consiliorum optatus euentus, & factorum finis in felicitate situs est. Quemadmodum etenim vincit imperator virtute & felicitate; feliciter gubernator nauigat, arte & vento secundo; rectè cernit oculus & videndi facultate & luce: ita præstantissima humana vita & virtute & felicitate redditur.

**C**VM breuissimum sit humana vita tempus, cum  
 eternitate collatum, pulcerrimam homines tan-  
 quam peregrinationem instituēt. si in animi tranquil-  
 litate vivere statuerint. Id autem consequentur maxi-  
 mē, si seipsos diligenter cognouerint, qui mortales &  
 carnes sint, iniurie & interitus obnoxio pradii corpo-  
 re, rebusq; omnibus grauissimis ad extremum vsque  
 halitum expositi. Ac primum quidem ad ea, quæ cor-  
 poris accidunt, veniamus. hæc sunt pleuritides, pulmo-  
 nis morbi, phrenitides, podagra, vesica morbi, dysente-  
 rie, veterni, comitiales, vlcera putrescentia, cetera in-  
 finita. At animo maiora multa atq; grauiora contin-  
 gunt. Quicquid enim sceleris, viui, peccati, impietatis  
 in hominum vita cernitur, ex animi perturbationibus  
 ortum ducit. Etenim per immoderatas & à natura a-  
 lienas cupiditates multi in effrenes impetus inciderūt,  
 nec vel a filiabus vel à matribus turpissimā potuerunt  
 cobibere libidinem. Quid quod & parentes multi &  
 liberos proprios iugularunt? Iam quid aliunde obue-  
 nientia referam mala, diluua, siccitates, æstus & fri-  
 goris inclementiā sic ut ex aëris inæqualitate nonnun-  
 quam pestis, fames, variq; casus oriantur, ac tota de-  
 solentur vrbes? Quæ cum impendeant multa, neq; cor-  
 poris bonis cōsili, quæ vel vna febricula statim corrum-  
 puntur, nec externa, quæ videtur efferamur felicitate,  
 cū & hæc sæpe citius recedere soleat, quàm accedere.  
 Hæc enim omnia incerta esse & instabilia, nec eorum  
 quicquam firmum, perpetuum, aut immobile existere,  
 multis & variis ex mutationibus cognouimus. Qua-  
 propter

propter & hac animo reputantes, & an ea, quæ data præstò sunt, vel minimum tempus durare possint, cogitantes, fortiter, quicquid accidit, si feramus, animi fruemur tranquillitate. Nunc verò permulti, quæcunque vel natura vel fortuna dedit, meliora cum finxerunt, nec tam ea qualia sint, quàm qualia maximè cerni possint, æstimarunt subito privati, multis ac magnis turpibusq; malis animum deprimunt. quo fit, ut acerbissimè vivant ac miserrimè. Id autem vel inopum iactura, vel in amicorum aut liberorum morte, vel in aliarum rerum, quæ carissima dicuntur, amissione conspicitur. Tum verò flentes & eulantes, infelicissimos ac miserrimos se solos prædicant: cum nec eodem se, quo alios multos, modo & habuisse & habere meminerint, nec tum sui, tum superioris temporis hominum vitam, queant perspicere; quantis videlicet in calamitatibus & miseriæ cumulis & nunc agant, & olim permulti egerint. Quocirca si ex historia nobis tradita repetamus multos amissis opibus, eam ob iacturam ipsos postea saluos evasisse, cùm vel in latrones, vel in tyrannum eam obrem potuissent incidere: multos quoque quos maxima benevolentia persecuti quondam fuerunt, eos post maximè odisse: nec paucos à liberis & amicis carissimis fuisse interemptos: si etiam nostram vitam cum aliorum infeliciores conferamus, casusq; omnes humanos atque communes habeamus, vivemus tranquillius. Nec enim debet, qui homo sit, aliena mala, sed & sua ducere facilia, cùm totam vitam multis videat ærumnis refertam. At qui flent & eulant, præterquam quòd nec rem amissam, nec mortui vitam recuperant, animum pravis rebus multis circumdatum in maiores perturbationes impellunt. Quamobrem debemus omnibus modis inueteratas maculas abluentes & repurgan-

est continentia, & in non moderanda, incontinentia: feritas autem ad iracundiam. huic enim cum quis maleficium non ut homo, sed ut fera gratificatur, ea dicitur feritas. Sunt quoque harum affectionum effectus & fines consequentes. Ut enim a malitia pendet auaritia, sic ad ratione pollentem animi partem refertur malitia. Similiter ut ad iracundiam pertinet ambitio; sic ipsa nimia reddita, feritatem gignit. Denique voluptas ut cupiditatis est, ita nimium quaesita parit incontinentiam. Quare cum de tot causis iniuste agamus, de totidem nimirum iuste agemus. Nam & virtus natura beneficit ac prodest, & vitium malefacit ac nocet. Et quoniam de animi partibus alia imperat, alia paret, virtutes autem in his ac vitia cernuntur, virtutes quoque partim imperantes, partim parentes, partim esse mistas efficitur. Imperat quidem prudentia, parent autem fortitudo ac temperantia: mista demum est iustitia. Perturbationes porro sunt virtutis materia, quandoquidem in his illa cernitur. Est autem aliud perturbationis genus cum voluntate coniunctum, aliud non est: coniunctum, voluptas est; non coniunctum, dolor. Atque haec & intendunt & remittunt civiles homines, dum reliquas animi partes rationis participi accommodant: id quod in eo positum est, ut nec propter nimium, nec propter parum suas actiones prohibeatur mens perficere. Quod enim deterius est, praestantioris causa coepit existere: ut in mundo semper patiens pars propter eam, quae semper mouetur: in animalibus femina propter mrem (hic enim animum gignit, illa duntaxat materiam gignendo suppeditat) in animo ratio carēs pars propter rationis compotem. Nam & iracundia & cupiditas ad primam animi partem refertur, illa tanquam satellites & latro, haec curatoris instar & cu-

stodis domestici. At mens in summo corporis vertice collocata, in pellucida undiq; specula eorum, quæ sunt, scientiam inuestigat, & hoc a natura opus habet, vt post inuestigationem & acquisitionem, melioribus ac præstantioribus utatur. Etenim rerum diuinarum ac præstatiſſimarum cognitio, beatitudinis humane principium, caussa, & norma est.

## ME TOPI · PYTHAGOREI

### LIB. DE VIRTUTE.

**H**OMINIS virtus est hominis natura perfectio. Etenim per propriam virtutis naturam perfectum quicque ac supremum redditur. Nam & equi virtus est ea, quæ naturam equi ad supremum perducit, & in partibus singulis eodem se modo res habet. Nam & oculorum virtus est acer visus, idemq; supremum in oculorum natura: & aurium virtus acer auditus, idemq; supremum in aurium natura: & pedum virtus velocitas, eademq; suprema in pedum natura. Sunt autem virtuti hæc tria necessaria, ratio, facultas, & consilium. Ratio indicat & contemplatur: facultas resistit & moderatur: consilium amat & amplectitur. Iam indicare & contemplari, intelligentis animi partis est proprium: resistere & moderari, ratione carentis: amare & amplecti, vtriusque, tam quæ ratione caret, quam quæ pollet. Cùm enim ex intelligentia & appetitu constet consilium, illa ad rationis competentem animi partem, hinc ad expertem refertur. Iam virtutum omnium numerum, nec non virtutis ortum & constitutionem ex animi partibus licet cognoscere. Etenim animi partes primæ sunt duæ; altera compos rationis, experta altera, illa indicamus & contemplamur, hæc se-

rimus

rimur & appetimus. Haec porro vel consentiunt inter se, vel dissentiunt. quæ quidem pugna ac discordia propter nimium vel parum existit. Cum igitur rationis compos pars moderatur expertem, tolerantia gignitur & continentia. cum altera imperat, parcat altera, & inter se ambæ consentiunt, virtus nascitur. Ac tolerantia quidem & continentia cum dolore gignuntur, dum labori illa, voluptati hac resistit. Incontinentia verò ac molliities nec resistit nec moderatur. Quo fit, ut bona propter dolorem fugiamus, propter voluptatem amittamus. Quid quod laudationes, vituperationes, cunctaq; humana bona in his animi partibus cernuntur? Et hoc quidem pacto virtus in univrsam constituitur: species autem eius & partes hoc modo sunt consideranda. Posteaquam duæ sunt animi partes, altera ratione prædita, carens altera; quæ porro vel iracundia, vel cupiditas dicitur; & rationis compos quidem est, qua iudicamus & contemplamur: expertis autem, qua ferimur & appetimus. huius porro qua parte tanquam ulciscimur nos ac defendimus, vocatur iracundia: qua propriam corporis constitutionem tanquam appetimus ac desideramus, cupiditas: efficitur, ex his animi partibus etiam virtutum numerum, discrimen, ac proprietatem pro portione consequi.

## CLINIÆ PYTHAGOREI.

ET omnis quidem virtus, ut initio definitum est, ratione, consilio, ac facultate perficitur: horum autem singula non virtutis partes, sed causæ sunt. Itaq; qui intelligente atque cognoscente huius parte valent, solertes ac prudentes dicuntur: qui morali & appetente, utiles & commodi. Quoniam verò non sine causis excuscatitis iniuste solent agere, hæ autem tres sunt, intemperantia in corporis voluptatibus, avaritia in lu-



crando, ambitio in æqualibus antecellendis: sciendū est, his opponi posse, & quæ metū & quæ pudorem, & quæ cupiditatem pariant: metum propter legem, pudorem propter Deum, cupiditatem propter sermonem. Quocirca sunt initio iuvenes & deorum & legum honorem docēdi, hic etenim omne factum humanū, totaq; vita, si nō desit successus, sanctimonia pietatisq; particeps erit.

## THEAGIS PYTHAGORICI LIB. DE VIRTVTIBVS.

**V**IRTUTIS omnis causse sunt tres, cognitio, facultas, & consiliū. Cognitio est, quæ res contemplamur & iudicamus. Facultas tanquam robur est causse, quas ferimus, & in rebus permanemus. cōsiliū instar manuum est animi, quibus ferimur, & res apprehendimus. Animi quoque constitutio sic se habet, ut vna sit eius pars ratio, altera iracundia, tertia cupiditas. Ratio cognitioni, ira robori, cupiditas appetitui præst. Cum igitur hæc tria vna compage in vnum rediguntur, tum virtus in animo gignitur & concordia: cum per seditionem inter se diuelluntur, vitium oritur atque discordia. Iam cum ratio partes animi ratione carentes moderatur, tolerantia gignitur & cōtinentia; dum labores illa, voluptates hæc moderatur: cum ratione carentes moderantur rationem, nascitur molities & incontinentia; dum labores illa fugit, à voluptatibus hæc vincitur. Cum verò melior animi pars imperat ac præst, deterior paret ac sequitur, & inter se amba consentiunt, tum virtus & omne bonum per totum animum existit. Et cupiditas quidem cum rationem sequitur, sit temperantia: cum iracundia, fortitudo: cum partes omnes, iustitia. Hæc enim & vitia cun-

ta, &

*Etia, & virtutes animi inter se discernit: & animi partium compagis quedam est constitutio, virtusq; perfecta & suprema. Ut enim in hac omnia sunt, ita sine hac reliqua non existunt animi bona. Quapropter & inter deos magnam vim habet, & inter homines iustitia. Totius enim atque vniuersi tum inter hos, tum inter illos communionem hac virtus continet. ac Themis quidem apud superos, Dice autem apud inferos, Lex verò inter homines predicatur. Hac porro iustitiam supremam esse virtutem indicant. Cum quidem in iudicando & contemplando posita virtus est, vocatur prudentia: cum in grauius ferendis, fortitudo: cum in moderandis voluptatibus, temperantia: cum in lucro & iniuria non faciendis, iustitia. Iam eandem vel secundum rectam rationem constitui, vel prater rectam rationem non constitui, decorum est vel indecorum assequi. Est autem decorum, quod esse debeat, id quod nec addi quicquam nec demittere postulat; quandoquidem ipsum, quod esse debeat, est. Inde decori verò species duæ sunt, nimium & parum. illud plus quam debeat, hoc minus habet. At virtus decori est habitus, quocirca statim quoque & supremum est & medium. hic enim decora quoque & media sunt & suprema: media, quoniam inter nimium & parum constituta sunt suprema, quoniam nec addi quicquam nec demittere postulant, quandoquidem quod esse debeat, ipsa sunt.*

*Quoniam quidem morum virtus in perturbationibus versatur, ac suprema perturbationes, voluptas & dolor censentur; efficitur, in eo virtutem non esse positam, ut quis ex animo perturbationes, voluptatem ac dolorem euellat, verum ut apte connectat. Et enim nec sanitas, quæ corporis facultatum quedam est bona temperatura, in eo ponitur, si frigus, calor, humor, & siccitas tollantur, verum si permisceantur, cum sit horum quasi*  
qui-

*quidam commensus: nec in musica, si acutum & graue  
 deuantur, concentus oritur. verum si hac aptè permi-  
 sceantur, tum & concentus existit, & vocum discordia  
 tollitur. Similiter calore, frigore, humore, siccitate per-  
 mixtis, & sanitas oritur, & morbus perit. Neque aliter  
 iracundia & cupiditate rectè compositis, & vitia cum  
 perturbationibus eximuntur, & virtutes moresq; ex-  
 istant. Est autem morum virtutis maximè proprium,  
 quod in rebus honestis est, consilium. Etenim ratione ac  
 facultate etiam sine virtute vti licet, consilio non licet,  
 quandoquilem moris dignitatem consilium indicat.  
 Quapropter & per vim imperans iracundia & cupi-  
 ditati ratio, continentiam ac tolerantiam parit; & per  
 vim rursus a rationis expertibus pulsa, incontinentiam  
 & molliem. Ceterum tales animi affectiones & im-  
 perfectæ virtutes, & imperfecta sunt vitia. Vt enim est  
 sana ratio, ita partes animi rationis expertes agrotant.  
 Et quatenus quidem à rationis compote animi parte  
 ira & cupiditas reguntur, virtutes habentur continen-  
 tia ac tolerantia: quatenus autè per vim hoc, non spon-  
 te fit, sunt vitia, debet enim virtus non cum dolore, sed  
 cum voluptate officium facere. Quatenus rursus im-  
 perantes rationi ira & cupiditas, molliem & inconti-  
 nentiam procreant, vitia hæc sunt: quatenus verò cum  
 dolore perturbationibus gratificantur, dum errorem  
 suum, quoniam sanus est animi oculus, agnoscunt, non  
 vitia, vel saltè non prorsus habenda sunt. Manife-  
 stum est igitur, sponte virtutem debere officium face-  
 re. Et cum voluntate quidem coniunctum quod est, non  
 caret voluptate & hilaritate: quod autem non est, do-  
 lore & metu non caret. Quid quòd simulatque incide-  
 rit diuisio, hæc ita se habere comperientur. Etenim co-  
 gnitio rerum & inspectio ratione pradita est animi  
 partis*

partis: facultas autem ratione carētis. siquidem & laboribus resistere, & voluptates moderari, ratione carentis proprium est animi partis. Consilium vero in utroque cernitur, & rationis compote, & experte animi parte. cum enim ex intelligentia & appetitu constet, illa ad rationis cōpote, hic ad expertem refertur. Quamobrem & virtus omnis in partibus animi componendis posita est, & voluntas atque consilium prorsus in virtute cernuntur.

Et in uniuersum quidem compositio quadam ratione carētium animi partium cum rationis compote virtus est: cum autem & voluptas & dolor decori norma reguntur, tum existit. Nihil enim est aliud vera virtus, quam decori habitus. Decorum autē est, quod esse decet; indecorum, quod non decet. Indecori verò species duæ sunt, nimium & parum. Illud plus quam decet, hoc minus habet. Decorum porro cum sit, quod esse decet, & supremum sit & medium: supremum, quoniam nec addi quicquā nec demi postulat: medium, quoniam inter nimium & parum constitutum est. Sic porro se decorum & indecorum inter se habēt, ut æquale & inæquale, dispositum & confusum: quæ quidem utraque finitum & infinitum sunt. Jam inæqualis partes ad medium, non ad se inuicem referuntur. Nam & obtusus dicitur angulus, qui recto maior est; & acutius, qui minor; & maior linea recta, quæ ductam è centro superat; & longior dies eo, quem dat æquinoctium. morbi quoque gignuntur, quoniam vel calidius vel frigidius redditum est corpus. siquidem quod calidius est, plus est mediocritate: quod frigidius, minus. Enimvero animus quoque cum suis hanc affectionem & proportionem habet. Ut enim audacia plus decoro habet in grauius perferēdis, ita minus ignauia, ut effusio plus de-

coro habet in sumtu faciēdo, ita minus illiberalitatis  
ira plus decoro habet in iracundia impetu, ita stultitia  
minus. Ac similis est aliarum affectionum oppositarum ratio. Debet autem virtus cum decori sit habitus,  
& perturbationum mediocritas, nec stupida  
nec immodicè affici. Ut enim stupor immotum &  
quidam ad honestatem reddit animum, ita confusio  
& imperitum immodica perturbatio. Quare sic dicitur  
in virtute perturbatio, ut in pictura umbra atque  
nebulosa, obiter elucere. Quod enim vinum ac tenerum  
veritatem exprimēs ducitur, id per hac maximè, si  
nisi sunt colores, efficitur. Animi quoque perturbatio  
naturalis virtutis impetu & instinctu animantur  
enim ex perturbationibus oritur virtus, ita rursum  
ita cum ipsis coniungitur: quemadmodum ex graui  
acuto concentus, ex calido & frigido temperatura,  
leni & graui æquilibrium. Non sunt igitur ex animi  
tollendæ perturbationes, quandoquidem id non conuenit  
cit, verum cum ratione prædito per decorum & mediocritatem aptè componendæ.

## ARCHITÆ PYTHAGORE

### LIBER DE MORVM DOCTRINA.

Ad virtutem ad miseriam, vitium ad beatitudinem  
fugiendum, si habitus ipsos inspiciamus, sufficit  
Semper enim virum malum esse miserum necesse est  
sive materiam habeat, quoniam ea malè vititur, si  
non habeat. quemadmodum & cæcum, siue lucem a  
splendorem habeat, siue in tenebris degat, cæcum esse  
se necesse est. At bonum non semper beatum esse  
necesse est, quandoquidem non in possessione virtutis